


3
SPECIMEN MEDICUM

INAUGURALE.

DE

IIS , QUAE IN PARTIBUS MEMBRI,
PRAESERTIM OSSEIS, AMPUTA-
TIONE VULNERATIS, NOTAN-
DA SUNT.



*SPECTIMEN MEDICUM
INAUGURALE,*

D E

IIS, QUAE IN PARTIBUS MEMBRI, PRAE-
SERTIM OSSEIS, AMPUTATIONE VUL-
NERATIS, NOTANDA SUNT.

Q U O D,

ANNUENTE SUMMO NUMINE,

EX AUCTORITATE RECTORIS MAGNIFICI

JOANNIS VAN VOORST,

THEOL. DOCT., ANTIQUITATIS CHRISTIANAE, HIS-
TORIAE DOGMATUM, ET EXEGESEOS N. T.
PROFESSORIS ORDINARIJ,

NEC NON

AMPLISSIMI SENATUS ACADEMICI CONSENSU,

ET NOBILISSIMAE FACULTATIS MEDICAE DECRETO,

PRO GRADU DOCTORATUS,

SUMMISQUE IN MEDICINA HONORIBUS AC PRIVILEGIIS,

IN ACADEMIA LUGDUNO-BATAVA

RITE ET LEGITIME CONSEQUENDIS,

PUBLICO ATQUE SOLENNI EXAMINI SUBMITTIT

PAULUS GODOFREDUS VAN HOORN,


DELPHIS — BATAVUS.

Ad diem XVIII. Junii MDCCCIII. H. L. Q. S.

LUGDUNI BATAVORUM,

APUD PETRUM DELFOS, ET FIL.

MDCCCIII.



THE UNIVERSITY OF CHICAGO
LIBRARY

1000
1000

1000
1000

1000
1000

1000
1000

1000
1000

1000
1000

1000
1000

1000
1000

PAULI GODOFREDI VAN HOORN

MEDICINAE DOCTORIS,

DISSERTATIO


DE

IIS, QUAE IN PARTIBUS MEMBRI,
PRAESERTIM OSSEIS, AMPUTA-
TIONE VULNERATIS, NO-
TANDA SUNT,

PUBLICAE DEFENSA IN ACADEMIA
LUGDUNO-BATAVA.

Ad diem XVIII Junii MDCCCIII.

CUM SUMMOS IN MEDICINA HONORES
CONSEQUERETUR



LUGDUNI BATAVORUM

APUD S. ET J. LUCHTMANS

ET

PETRUM DELFOS ET FIL.

MDCCCIII.

NEC NON

GERARDO SANDIFORT,

ANATOMIAE PROFESSORI EXTRAORDINARIO.

Haec qualescumque studiorum

primitias dedicat

A U C T O R.

CONSPECTUS PARAGRAPHORUM.

EXORDIUM.

SECTIO PRIM A,

DE RATIONE SANATIONIS MEMBRI, POST AMPUTATIONEM, MAXIME NATURALI.

§. 1.	<i>Amputationis phaenomena, id est, de iis, quae sub ipsâ amputatione in vulnere spectantur.</i>	Pag. 7
§. 2.	<i>De iis, quae continuo post amputationem observantur.</i>	10
§. 3.	<i>Quae in plagâ deinceps eveniunt.</i>	13
§. 4.	<i>Ratio memoratorum phaenomenorum in universum spectata.</i>	17
§. 5.	<i>Quae in cute contingunt.</i>	20
§. 6.	<i>Quae in telâ cellulosa contingunt.</i>	22
§. 7.	<i>Quae in musculis contingunt.</i>	ib.
§. 8.	<i>Quae in vasis sanguiferis contingunt.</i>	28
§. 9.	<i>Quae in nervis contingunt.</i>	33
§. 10.	<i>Quae in vasis lymphaticis contingunt.</i>	35
§. 11.	<i>Quae in osse & periostio contingunt.</i>	36
§. 12.	<i>Conclusio.</i>	43

SECTIO SECUNDA,

DE IIS, QUAE IN MEMBRO, AMPUTATIONEM PASSO, ET POTISSIMUM IN OSSE CONTINGUNT, SI HUIUS LAMINA EXTERNA, NECROSI AFFECTA, FELICITER SEPARETUR.

§. 1.	<i>Phaenomena ad separationem laminae ossis secti externae in universum spectantia,</i>	Pag. 45
		§. 2.

§. 2.	<i>Caussa proxima separationis marginis mortui.</i>	52
§. 3.	<i>Crenae seu laminae separandae varietates.</i>	54
§. 4.	<i>Cur post Necrosin profundam copiosior Callus generatur?</i>	58
§. 5.	<i>Quae ad formam laminae separandae pertinent.</i>	59
§. 6.	<i>An pars separanda superficie denticulatâ partes molles, quibus accumbit, laedere possit?</i>	61
§. 7.	<i>An denticulata partium separandarum facies earundem de partibus vivis exitum impediat?</i>	62
§. 8.	<i>Tempus separationis partis mortuae ossis.</i>	65
§. 9.	<i>Caussae Necroseos laminae separandae.</i>	67
§. 10.	<i>Signa separationis laminae osseae.</i>	69
§. 11.	<i>Prognosis.</i>	70
§. 12.	<i>De officio Medici.</i>	71

S E C T I O T E R T I A,

DE IIS, QUAE NOVO ENATO IN PARTIBUS, AMPUTATIONE VULNERATIS, AFFECTU MORBOSO, PRAESERTIM AD OS OBSERVANTUR.

§. 1.	<i>Affectus morbosus ossis post amputationem, in univ. sum spectati.</i>	Pag. 77
§. 2.	<i>Inflammatio ossis nimis parva aut nimia.</i>	79
§. 3.	<i>Suppuratio vitata.</i>	85
§. 4.	<i>Absorptio nimia.</i>	91
§. 5.	<i>Mala ex ossis fissura.</i>	97
§. 6.	<i>Os ultra partes molles protuberans.</i>	99
§. 7.	<i>Calli vitia.</i>	104
§. 8.	<i>Callus non sufficiens.</i>	105
§. 9.	<i>Callus nimius.</i>	107
§. 10.	<i>Callus morbosus.</i>	112
§. 11.	<i>Ossis mors.</i>	129



D E

IIIS, QUAE IN PARTIBUS MEMBRI,
PRAESERTIM OSSEIS, AMPUTA-
TIONE VULNERATIS, NOTAN-
DA SUNT.

E X O R D I U M.

Inter morborum curationes, quae manu sunt, siue Chirurgicas, a recentioribus potissimum emendatas, in primis sane numeranda est ea, quâ Corporis Humani extremitates, aliis remediis omnino deficientibus, pro parte auferuntur, & quae per excellentiam *Amputatio* vocatur.

Illud vèro remedium olim adeo periculosum erat, ut aegris prope omnibus mortis causam afferre soleret. — Quo factum est, ut Chi-

A

rur-

rurgorum principes, infelicis illius exitus pertaesi, amputationem ex arte Chirurgicâ plane expungendam judicarent, atque faucios aegrosve sibi potius plerumque relinquendos, & naturae, ut ita dicam, committendos, quam ad amputationis remedium, periculosae plenum opus aleae, convolandum esse, sibi & aliis persuadere conarentur. —

Verum, haec rerum facies adeo hodieque mutata est, ut haec jam tractatio (ἐγχείρησις) ubique fere usitata sit, tum simplicitate, tum etiam fructuum ubertate ita commendanda, ut, subductis rationibus, ex decem hominibus post amputationem vix pereat unus.

Quamvis autem non amplius Chirurgi ob periculum, omnem omnino amputationem dissuadeant, evitandamque censeant, non tamen tam necessaria saepe judicatur, si quidem eo jam pervenerit peritorum in arte sollertia, ut membris morbo correptis, olim non nisi per amputationem sanabilibus, aliis adhibitis remediis, sanitas restitui soleat. — Itaque quo in praxi quotidianâ sive civili, ad amputationem rariores reditus sunt, eo rarior etiam opportunitas observandorum eorum, quae in hoc curationis genere locum habere & accidere possunt. — Attamen per illud tempus, quo mihi lectionibus Chirurgicis aestumatissimi Praeceptoris DU PUI, Viri Clar. interesse contigit, in Nosocomio Academico semel amputationem ad femur, eamque felicissime factam vidi.

Novissimum autem bellum, quod in patriâ quoque nostrâ saevit, & cujus, (ut recte dicit Poëta) ceterum *nulla plane salus est*, hac in parte, mihi fuit fructuosum, quod plura oculis videre & usu colligere potui, quam alioquin in pace per multos adeo annos mihi licuisset.

In Nosocomio enim Militari, hac in urbe constituto, non tantum saepius amputatio fuit facta, verum etiam faucii sive aegri, quorum membra quaedam alibi amputata jam erant, in locis proelio vicinis, ad ulteriorem curationem huc delati fuerunt, quorum omnium eventuum, exemplorum, & phaenomenorum diversitatem conspicere atque notare potui, posteaquam mihi ad hæc omnia Praeceptor atque Promotor meus, BRUGMANS, Vir Cel. aditum paravisset. — Accedit, quod multa, variâ morbi periodo mortuorum cadavera cultro Anatomico subiciebantur: Denique, quum ad eundem Clar. BRUGMANS, de reliquis in Rep. Batavâ Nosocomiis Militaribus, (quorum omnium perinde ac Leidensis, tanquam Praefes illius Collegii, quod rebus Medicis ad militiam pertinentibus praeest, supremam curam honorifice sane gerit,) pervenirent cum Historiae sive monumenta amputationum, alibi factarum, tum vero etiam post mortem aegrorum, ipsa membra amputata; ex his omnibus nata fuit haud parva suppellex, non ita facile alibi obvia, quae ad materiam amputationum, aliorumque affectuum morbosorum, multum adfert lucis. —

Haec quidem omnia, adeoque & egregia ossium morbosorum, eo

spectantium, specimina mecum communicavit idem Cl. BRUGMANS, cui de multis variisque in me collatis beneficiis per totum cursum meum Academicum, quo apud eximium Virum favore florui & amicitia, publice jam gratias ago, & magnas sane semper habebo. —

Hinc itaque potissimum orta sunt, quae in hac qualicumque Dissertatione de amputationis effectibus dicentur, perinde ac cuncta ossium exemplaria, quae in Tabulis huic operi adjectis delineanda putavi. — Quo quidem apparatu omni quomodo fuerim usus, aliorum judicium sit: ego quidem peritorum in arte virorum diligentiam atque doctrinam me consequi non posse, probe intelligo, at pro virili tamen secutum esse, prae me fero.

Ceterum, constitutio totius Quaestionis huc redit.

De amputatione generatim, quando commendanda sit, quando vitanda, & quae plura sunt generis ejusdem, de quibus praestantissimi Chirurghi summam cum laude scripserunt, vel parum vel nihil mihi dicendum, sed ex universa illa materia unum tantummodo caput sive locum tractandum putavi.

Principio mihi propositum fuit, unice de iis agere, quae post amputationem in osse contingunt, posteaquam autem intellexissem, rationem phaenomenorum, eo pertinentium, aptam connexionemque esse cum phaenomenis, quae in partibus mollibus ambientibus eveniunt, consilium plane mutavi, & quid in casu saltem

ma-

maxime naturali, maxime salutari in universâ plagâ ex amputatione natâ, tum etiam in singulis partibus ex illâ laesis, contingat, quoad ejus a me quidem fieri potuit, investigare atque exponere cōnatus sum. —

Itaque SECTIONE I. agam de *Ratione sanationis membri post amputationem maxime naturali.*

Porro, ut multiplicem viam inquirerem, quâ Natura recedit à normâ maxime laudabili ad promptam tutamque sanationem tendente, illum eventum examinandum judicavi, qui omnium minime a rectâ priore loco memoratâ deflectitur viâ, quum, reliquis convenienter Naturae salutari maxime normae decurrentibus, extima a ferrâ tacta lamina ossea separatur.

Dicam adeo SECTIONE II. de *lis, quæ in membro amputationem passò, potissimum in osse contingunt, si hujus lamina externa, necrosi affectâ, feliciter separetur.*

Tandem quum & rationem aliorum affectuum morbosorum, in plagâ occurrentium, habendam existimarem, at eorum, quos singulae in plagâ partes sive molles sive durae patiuntur, tractatio in nimiam cresceret molem, illi tantum mihi memorandi videbantur, neque plane ceterum pertractandi, qui in parte osseâ observantur.

Unde SECTIONE III. breviter differam de *lis*, quae novo ena-
to in partibus amputatione vulneratis, affectu morbofo, praefer-
tim ad os observantur.

Quod si in his omnibus ita fuerim versatus, ut aëquis doctisque
Judicibus me studiaque mea hoc progressuum meorum specimine por-
tuerim commendare, nunquam sane consilii me mei, nec suscepti
laboris poenitebit, quin & illud mihi diligentiae ac laudis fructum
constare arbitrabor.



SECTIO PRIMA,

DE

RATIONE SANATIONIS MEMBRI, POST AMPUTATIONEM, MAXIMÉ NATURALI.

§. I.

Amputationis phaenomena, id est, de iis, quae sub ipsâ amputatione in vulnere spectantur.

Quandoquidem jam hac sectione exponenda sunt Phaenomena, quae in vulnere per amputationem facto observantur, si quidem omnia ratione maxime legitimâ ac salutari ad plenam ejus sanationem decurrant, non est, quod de amputatione, quâ tali, multis differam, sed memorasse sufficiat, illam in casibus, quorum eventus inprimis conscribendae hujus Dissertationis occasionem praebuerunt, institutam fuisse ad simpliciores eam viam sive methodum, quam

BELL,

BELL, CALLISEN, DESSAULT, RICHTER, aliique ex recentioribus, maximeque probatis autoribus, commendarunt. Amputationis autem ratio paucis huc redit.

Trunco arteriae ad partem, amputatione auferendam, decurrentis, rite compresso, sanâque cute, quantum fieri possit, retractâ, haec sectione circulari dividitur, & solutâ telâ cellulosâ, cutim cum musculis necente denuo sursum ducitur: — muscoli porro, nervi, vasa sanguifera, lymphatica, verbo, omnes partes molles, os vestientes, vel pariter sectione circulari, vel utrinque obliquâ cultro dividuntur, & fasciâ fissâ rursus sursum ducuntur, ut nudum sanumque os in conspectum prodeat; hujus periostium nunc caute quoque secatur, tandemque ferrâ, denticulis acutissimis instructâ, firmâ manu, motu nec tremulo, nec inaequali, nec in obliquum divagante, sed aequali, temperato & parallelo os ex lege artis aufertur.

Amputatione peractâ, arteriis, earumque ramis majoribus accurate ligaturâ constrictis, ita ut, torculari nonnihil soluto, sanguinis profluentis rivulus non oriatur, plaga aquâ purâ tepidâ lavatur, deorsumque trahuntur cutis ac partes reliquae molles, in ipsâ amputatione sursum actae, quo facto observantur sequentia.

Cutis margo, vulnere proximus, nonnihil se corrugat, crispat. Musculi omnes se contrahunt, sed inaequaliter, unde inaequalis

plerumque est plagae facies; non tantum alter prae altero musculus magis retrahitur, sed diversi ejusdem musculi fasciculi dispari gradu breviores reddi videntur, & si oculo, vitris oculariis armato, haec omnia spectentur, vermicularis & quasi trepidans per alternos subsultus in fibrarum muscularium fasciculis motus observatur.

Vasa, potissimum arteriae, valde contractilia, breviora reddita sursum aguntur.

Nervi proprio motu, usaltem sensibus observando, non agitantur, sed vasis per telam cellulosa[m] annexi, vasa retracta saepius sequuntur.

In vasis Lymphaticis nihil prorsus observari potest.

Periostium externum semipellucidum, decolor apparet.

Ossis color ex albo vel cinereo flavescens est, & hic illic in ipsa ossis substantia conspiciuntur puncta subrubicunda, nisi aetate aut morbo diuturno antea confectus sit aeger.

Periostium internum externo simile est, & medulla plus minusve sanguinolenta pinguedinem refert lentam, inertem.

Vix aeger de dolore acutiori queritur, sive nunc dolorem remissio[re]m tantum percipiat, sive se hunc percipere sibi persuadeat, cum longe minor sit illo, quem sub ipsa amputatione expertus fuerat.

amputatio. Quia si amputatio non potest esse, non potest esse amputatio. §. I. De his, quae continuo post amputationem observantur. Si non

Facta igitur amputatione, cute reliquisque partibus mollibus deorsum ductis, & ad se invicem adductis, ut os his penitus tectum sit, & quasi abscondatur, vulnëris orae, quantum fieri potest, a Chirurgico coarctantur, solo linteo carpto eoque mollißimo omnis plaga tegitur, & aptâ deligatione universum membrum ac praecipue plaga ipsa firmatur. Hincq; interduo saltem illi ad usum, ut

Si corpus sanum fuerit, quemadmodum hic assumo, nec intempestiva haemorrhagia, nec Systematis nervosi concussiones, nec aliud molestum symptoma vexet, altero sequentiq; die tument partes per vulnus laesae omnes, & cum dolore reliqua symptomata percipiuntur, morboßi illius turgoris sequelae; pulsus intenditur & accensa febris inflammationem jamjam in plagâ ortam indicat, diversae quidem intensitatis, sed si omnia legitimâ ratione decurrant, nunquam tantae, aut brevi expectari non possit laudabilis puogenesis (a).

Haec

(a) Licet haec gradu valde differat, saepiusque tam exigua sit, ut vix pus effluat, sine illâ tamen nunquam sanari posse vulnus ex amputatione natum, deinde pluribus probabo.

Haec autem inflammationem eo citius excipit, quo vires vitales aegri fuerint melius constitutae, quàm diminutae, vel justo minus vigentes: inflammationem impediunt, hanc tardiores reddunt, & suppurationi obstant.

Idem contingit, si nimis incitatae inflammationem aliquando praetermodum aculant. Itaque 24^{to}, 35^{to} vel 6^{to} die, dum aegri o habent, haec febris, ratio, membrorum dolor, odor ad plagam, exsudans super linteamina humor, & aquae similia sunt, Chirurghi monent, janijam inchoatam esse suppurationem omnis plerumque deligationis apparatus prudenti manu tollitur, ut novam institui possit deligatio, quo tempore i plagae, rite sese habentis, facies ejusmodi est.

Extremae partis non nisi interiorae corrugata, & spissioris gelatinae zonae quasi terminata apprehenditur.

Musculorum superficies, si acute non utroque tegatur, sed oculis pateat, est inaequalis, illae regiones, quae prae reliquis mox post amputationem retrahebantur, superficie purulentâ, albâ, opacâ obducuntur, molliorisque videntur habitus; regiones autem, eo tempore minus retractae, aut rubrae, inflammatae, aut vel in universum vel pro parte saltem laminâ gelatinosâ plus minus spissâ, subpuriformi, ex coagulabili lymphâ in purulentam indolem quasi abeunte, testae apparent.

Si aegri vis vitalis minus efficax fuerit, si sub amputatione notabi-

lem sanguinis fecerit jacturam, si systema nerveum valide concussum fuerit, aut quâcunque demum de causâ, inflammationis processus retardetur; hæc, quae descripsimus cuncta, vel minus manifesta sunt, vel tardius eveniunt, & contractiliores fibrarum muscularium fasciculi crustam aliquando gelatinoso-concrescibilem offerunt, dum ad reliquam plagam musculosam tenuior humor extrema villarum fibrarum inflammata madefacere observatur: ita etiam, si ante periodum, quam indicavi, solvatur deligatio, turgentes plus minusve discissi reperiuntur muscoli, variisque in locis coagulabili lymphâ quasi illinitis.

Vasa inter reliquas partes retracta visui non patent, sed clausa ex insitâ contrahendi facultate eorum extrema sunt: ceterum & ipsa inflammationem pati mox patebit.

Nervi quoque absconduntur, at nihilominus inflammatione corripuntur, ex quâ rubent, primum turgent, dein flaccescunt, quemadmodum pariter pluribus mox patebit.

Periostium, etiamsi una cum osse saepe non adspiciatur, utpote partibus mollibus absconditum, tumet tamen, tumore sese ad variam altitudinem juxta os extendente, rubet leviter, dolet insigniter, humoremque lymphæ gelatinosæ, vel concrescibili fibræ sanguinis analogum effundere videtur.

Os, saepe oculis non patens jamjam vel brevi post margine externo obtusum & quasi rosione quadam consumptum apparet.

Periostii interni status statui periostii externi respondet.

§. III.

Quae in plagâ deinceps eveniunt.

Post primam illam deligationem, dum quotidie semel vel bis, prout aegri status postulat, nova apponitur deligatio, soloque linteo carpto vel hoc cerato illinito tegitur plaga, cujus orae invicem adducuntur, ut quantum fieri possit, vulneris superficies minuatur, & potissimum partibus mollibus ossis extremum tegatur.

Si cuncta voto respondeant, blandum pus ex superficie insigni copiâ exsudat, cutis coriacea substantia videtur incrementum capere.

Musculi undique ortum praebent substantiae novae, carnis mollioris faciem externam habentis (*b*), quae rubra, mollis, pulposa,

(*b*) Novam substantiam organicam ex laesis, & ad sanationem accedentibus partibus tum mollibus, tum duris *carnem* vel *carunculam* vocabo, nomine, ut jure observat Clar. BONN, non a recentioribus invento, sed ab HIPPOCRATË & CELSO jam co-significatu adhibito, quos plerique ex recentioribus sequuntur (*α*).

Non autem sic caro sumitur pro carne musculosa, irritabili, sed ex usitato Chirurgorum dicendi genere, pro substantiâ organica, rubra, molli, elastica, habitu externo nonnihil carnem proprie ita dictam referente, quemadmodum praeclare, ut solet omnia, docet Vir Clarissimus, quoad materiem organicam in callum postmodum abeuntem, & quacumque omnis materies ex partibus mollibus succrescens in cicatricem mutanda con-

(*α*) Vid. *Diff. de CALLO*, p. 332.

venit

sa, vasis sanguiferis ditissima, cutis propagini contigua, ut cum hac unum continuum formet, valde sensilis & molli puris spissioris strato quasi tecta observatur.

Arteriarum extrema, ligaturâ constricta, deinceps decidunt.

Nervi velati sunt de musculis egrediente concremento organico, modo dicto.

Periostium ante tumens substantiam organicam, carni nonnihil similem, seu carunculam fingit, quae vasculosa, rubicunda, sensim sensimque tenacior evadens a parte externâ os denudatum investit, dum similis caruncula ex periostio interno exiens & canalis medullaris superficiem tegit, atque a parte internâ ad os prorumpit.

Tandem carnea quasi puncta ex ipso osse, potissimum, si junioris aetatis fuerit aeger, propullulant, quae latiora reddita brevi cum

utrâque periostii laminâ carnosâ coeuntia omnem ossis nudati faciem operiuntur, cujus omnis margo continuo magis magisque obtunditur.

Medullaris adeps ad extremum ossis interim disparet, cujus locum tenet periostii interni caruncula.

os Dum simplici deligatione administrandâ Chirurgus per septimanas

ali-

venit (8). Haec ex recentioribus perpendant, qui sibi persuadent, BONNIUM haud satis accurate fuisse locutum, cum primordia calli *carunculam*, vel *carnem* dixerit.

(8) Diff. 1. p. 154.

aliquot, quandoque paucas pergit, ulcerisque superficies continuo minuitur, & cum eâ puris copia parciore redditur, cutis propago coriacea & firmior & amplior evadit; lamina ad musculos enata nova pariter firmior redditur, totamque plagam tegit, ita ut, licet nullibi apertura detur, nullibi tractus non contiguus, tamen muscutorum variæ regiones trans illam laminam nonnihil definitæ apparent; sudat interim haec tenera, noviterque formata compages organica blandum pus, quo egregie defenditur.

Vasa tota quanta illâ laminâ abscondita extremis coalescunt.

Nervi aut ad extremum veluti contrahuntur, aut de extremo particulæ separationem patiuntur, & semper extremitatem rotundatam sensim tumescentem acquirunt.

Caruncula tum de utroque periostio, cum de ipso osse nata firmior evadit eodem tempore, quo ossis ipsius facies tota penitus rotundatur & obtunditur, atque habitus corii cartilaginei, tandem illum calli solidioris assumit.

Denique ad haec omnia phaenomena succedunt, quae instantem sanationem praefagiunt; firmatur ex cute musculisque enata productio organica, & in eâ ratione suppuratio minuitur. Ossis marigo exterior nonnihil amplificatur, ut osseum extremum nunc callo latius evadat, quam ante erat (a), & cessante ferme suppuratione

tota.

(a) Vid. Fig. XV & XVI. Tab. I.

tota plaga epidermidis specie tegitur, ulcusque conferruminatum habetur.

Hac vel saepe periodo adhucdum sequente, cum aeger sanatus habetur, sub cicatrice latens os medullarem canalem apertum adhuc diu servat, vel saltem molli callo tantum repletum. At tandem etiam saepe diu post canalis ille totus quantus callo duro clauditur (*b*), & per multos annos adhuc latefcit (*c*) osseum extremum.

Si amputatione duo ossa sibi parallela fuerint secta, ut ad cubitum vel crus, ambo extrema per callum inter se coalescunt, (*d*), unde pristina membro amputato redditur firmitas, quam Natura ad carpi vel tarfi juncturas, nunc ablatas, ipsa instituerat (*e*).

A parte externâ cicatricis epidermis novum continuo citumque ita capit incrementum, ut squamosum & subcallosum habitum praese deinceps ferat, dum muscoli partesque reliquae molles inter cutim & os haerentes continuo magis magisque retrahuntur, ut coni acutioris faciem amputatum membrum offerat, cujus apex ex sanato, rotundato ac cicatrice obducto osse est, latera obliqua ossi accum-bentia ex cicatrice in cutim sese extendente & ad cutim desinente observantur.

§. I V.

(*b*) Vid. Fig. XIV. Tab. I.

(*c*) Vid. Fig. XV & XVI. Tab. I.

(*d*) Vid. Fig. XV & XVI. Tab. I.

(*e*) Conf. RUISCH, *Cat. Rar.* p. 166. BUFFON *Hist. Nat.* Tom. III. p. 49.

§. I V.

Ratio memoratorum phaenomenorum in universum spectata.

Qui phaenomena sic recensita inter se comparat, is mox perspicit, haec nulla alia esse, quam quae in vulnere contingunt, quod primum inflammationem patitur, & dein felici suppuratione sanatur. — Et profecto haec sanationis ratio post amputationem omnium maxime est naturalis.

Nemo facile negabit, esse inflammationem necessariam sequelam irritationis, partibus ex amputatione laesis applicatae, quae omnes vitalem habent actuositatem, atque adeo non posse, quin post amputationem in vulnere sequatur inflammatio.

Verumenimvero, etiamsi in universum inflammatio vel in resolutionem, vel suppurationem, vel gangraenam abire possit, facile demonstrare posse mihi videor, hanc ex amputatione natam nunquam plene valere resolvi, sed felicissimum ejus exitum esse per suppurationem, gradu diversam.

In *resolutionem* nimirum pars inflammata nunquam abire potest, nisi suam servaverit integritatem, ut stimulo ablato, qui inflammationis causa erat, ad pristinam, hoc est, sanam agendi normam pars illa affecta redeat.

Sin autem integritas structurae organi inflammati turbata est, ab-
 acto stimulo, turbata manebit ejus functio, & nulla ad sanationem
 via, nisi in restitutione organi pessumdati datur, ad quam creatio sub-
 stantiae novae organicae, vice substantiae pristinae fungentis, requi-
 ritur. Hoc cum fiat, dum Natura ad partem antea inflammata nunc
 restaurandam singularem illum humorem creat, quem *pus* vocant,
 alterum hunc inflammationis exitum *suppurationem* dicere solent.

Quod si integritas organi inflammati non tantum sit turbata, ve-
 rum ejus vis vitalis ita ex stimuli vehementiâ suffocata, ut redinte-
 grationi, quae sub suppuratione evenit, impar sit, omni cessante
 ex vitâ actuositate, inflammatio in *gangraenam* abire dicitur.

His ad partes in amputatione laesas applicatis, nemo non consen-
 tiet, turbatam esse earum structurae integritatem, ita ut finita, quae
 necessario primum nascitur, inflammatione pristina atque in sanitate
 solennis agendi ratio eo ipso tamen non redeat, hoc est, sanatio-
 ni per resolutionem hic non esse locum, sed maxime prosperum esse
 illum exitum, in quo natura creatrix reparat, quod pessumdatum
 quocunque modo erat. — Et hic exitus cum suppurationis sit, ut
 dictum, sane est manifestum, nec universum vulnus, nec singula in
 hoc vulnere organa sanari posse, nisi suppurent (*d*).

(*d*) Gradu differt haec suppuratio, & aliquando, si partes molles sectae sibi e directo
 applicatae concresecant, vulnusque brevissimo temporis spatio sanetur, tam parva est, ut
 sine

In eo ergo mutationes singulorum in vulnere praesentium organorum conveniunt, ut nos supra docuimus, quod singula, utpote viventia, & hinc inflammationis capacia, inflammationem patiantur, suppuratione terminandam.

Jam quid hac in suppuratione in universum fiat, ex ante dictis patet: suppurationis nimirum effectus videtur duplex. — Videtur nempe id, quod in organo per inflammationem pessumdatum est, ita ut pristina, sanitati conveniente functione iterum fungi non possit, per suppurationem, praecipue ministerio vasorum absorbentium separari, & 2°. excitatur generatio novae substantiae in locum substantiae deperditae.

Ad utrumque autem effectum praestandum natura utitur tali agendi ratione, vasorum in plagâ haerentium, ut blandus ille humor creetur, quem *pus* vocamus, qui justâ suâ formâ & copiâ de efficacîâ plagae ad utrumque illum effectum edendum, ad sanationem necessarium, testetur.

Quam-

sine eâdem fieri sanationem, quam *reunionem vulneris per primam indicationem* dicunt, nonnulli asserant. — Sed ne tunc quidem suppurationem, utut perexiguam, abesse testantur & Chirurghi magnae auctoritatis, quos inter nominasse sufficiat Cl. SABATIER (*), & suadet ipsa rei indoles. Neque etiam video, qui partes laesae coalescere possint, nisi intermedia generetur nova substantia, quod certe nunquam fieri posse videtur, quin ille in solidis obtineat status, qui reproductioni favens, semper pus creat.

(*) SABATIER *Lehrbuch für Praktische Wundärzte. Dritter Band* p. 235.

Quamvis vero singulae in vulnere partes communi tali legi, ut vera sequatur sanatio, subjiciantur, priva tamen unaquaeque sibi hic vindicat phaenomena; ut unaquaeque privam sibi possidet fabricam, & huic convenienter etiam novam requirit substantiam, pro unaquaque peculiarem, tempore suppurationis formandam. — Haec in singulis ulceris partibus paulo fusius recensere proxime corabor, ut nimirum ex eo appareat, quo facto ex cognitâ uniuscujusque vitâ, seu organismo proprio ea phaenomena sequantur.

§. V.

Quae in cute contingunt.

Mox post amputationem dissecta cutis, acute sentiens, vasisque dives se contrahit & corrugat ex contractilitate sibi propriâ. Brevi post extrema cutis vulneratae ora, inflammatione correpta, dein haec sedatâ, nonnihil consumi & diffuere videtur, humoris gelatinosi specie tegitur, qui spissescit, non tamen ejus tenacitatis evadit, atque is, quo partes, vasis sanguiferis ditiores atque inflammatae investiri solent.

Ostendit certe haec memorati humoris generatio, praesentia quidem in cute esse vasa, analogâ illis, quae per partes reliquas molles inflammatas decurrunt, attamen esse specie diversa, quod

pariter vel ad oculum confirmant injectiones coloratae, quibus eorum decursus tam manifestus redditur, ut qualis in unâquâque parte sit, egregie appareat. — Cum ergo specie vasa cutis differant a vasis reliquis; cum hinc eorum agendi ratio differre debeat ab agendi ratione reliquorum vasorum, quid mirum, quod natâ novâ ad cutim substantiâ, ex virtute ejus, omni parti organicae communi reproductrice, haec a novâ substantiâ, ad reliqua organa eodem tempore vulnerata formata, fabricâ, facie, & functione differat.

Maxime nimirum manifestum fuit, & cutim ipsam novam largiri productionem, atque hanc productionem a producto ad reliquum vulnus nato, quocum penitus coalescit, tamen differre, ut in praeparatis, quae Spir. Vini condita servat Cl. BRUGMANS, videre est. Improperie hinc statuunt multi, cutim sub amputatione servatam prolongari, & prolongatam tegere plagam cicatrice obducendam (e), dum potius cutis brevior fit, & quod de cute ad cicatricem accedit, nova substantia est, eandem ad cutim rationem servans ac callus servat ad os.

§. VI.

(e) Inter alios Vid. QUESNAY, *Hist. de l'Acad. R. de Chir.* T. 3. p. 61.

§. V I.

Quae in telâ cellulosa contingunt.

Adeps in telâ cellulosa ad vulneratum locum praesens, paucis diebus post amputationem disparet, ipsaque tela cellulosa, cuti vicina, videtur deleta; deinde autem, ubi sanatio promoveretur & locum habet, si quid adipis iterum effunditur, quod pauciori copia fit, hic solidior, quam in reliquo corpore esse videtur, ac superflues, vel noviter formata tela cellulosa tenacior, densior & fibrosa.

Adipis consumptionem potissimum a vi actuosâ vasorum lymphaticorum, ad cutim maxime latentium, ac per insolitum ad vulnus illatum stimulum potenter excitatorum, unice pendere haud levis videtur conjectura: quod autem tela cellulosa deinde solidior reddatur, id mutato stimulo, pacatius operanti, quisque facile ascribet.

§. V I I.

Quae in musculis contingunt.

In musculis multa sane, notatu dignissima occurrunt.

Alterna illa contractio, quam mox post amputationem in dissec-

tis fibrarum muscularium fasciculis observare licet, irritabilitatis, seu vis musculosae effectum notissimum simulque proprium offert, pendentem ex admoto per amputationem aëremque atmosphaericum stimulo. — Hunc monstrant omnes musculi, sed non omnes eodem gradu, unde inaequalis in dissectâ superficie musculari facies, manifesto indicio, alium prae alio musculum magis minusve esse irritabilem, quamvis uterque motui analogo inserviat. — Dispar etiam est nervorum musculos adeuntium ratio.

Ex stimulo sic tempore amputationis contractionem alternis motibus stipatam excitante, mox illa inducitur inflammatio, quam jam ante (§. II.) indicavi, quamque in musculis sic vulneratis notaverunt Chirurghi omnes. — Haec inflammatio musculi, vitae sequela, sensim crescens, brevi summum attingit, tum rursus lente decreseit atque in suppurationem abit. — Juxta communem omnis inflammationis legem (§. IV.) hoc in decursu fibrarum musculosarum fines delentur, novaque substantia organica iterum formatur. — Haec dum fiunt, effunditur primo humor concreescens, lymphae coagulabili similis, ac dein verum pus, in quo carunculae formâ locum habet illa reproductio. — Sed haec, quâ ratione, praesertim in musculis fiant, hoc loco omnino attendendum est.

Difficile dictu est, utrum unice ex vasis dissectis, & ad musculum pertingentibus concrescibilis illius humoris sit effusio, an vero & huc ipsae fibrae musculares aliquid faciant; sed quid sit, certum est,

est, effusum illum humorem concrefcentem maximam habere analogiam cum humore simili effuso ad membranas inflammatione correptas, ut ad pleuram, ad peritonaeum, ad hepar, ad intestina, &c. — Certum pariter est, illum humorem ortum praebere, carunculae rubellae, modo dictae, sive nunc concrefcentis ille humor in illam carunculam transeat, sive, quod magis verosimile videtur, in illam per eadem organa, quae antea hunc humorem effundebant, formetur, atque humore copiam minuto, defendatur contra quasvis potentias nocentes, forinsecus admotas. — Quid de his sit, arcto adeo nexu formata caruncula, etiam quo tempore adhucdum mollissima existit, cum fibris muscularibus dissectis cohaeret, ut vera detur continuatio, quam nec maceratio solvit.

De indole porro hujus carunculae musculosae, seu novae substantiae, carni similis ad dissecta musculorum extrema generatae egregie constitit. — Esse vasis valde divitem, inde patet, quod facile adeo sanguinem ploret, si vel leviter irritetur: vasa illa sanguifera in noviter hac formatâ substantiâ, noviter generata serpentinum servant ductum, & subtili injectionis materie repleta ad nudum oculum elevata puncta, hic rotundiora, illic in lineolas extensa ostendunt, ad armatum vero vitris oculariis anguillas serpentinâ ac tortuosâ multiplici convolutione conspicuas aemulantur, quemadmodum praeclaro spectaculo nobis contemplandum dedit Clar. BRUGMANS mense Septembri anni elapsi, cum praemissâ vasorum injectione

sectionem institueret cruris amputati militis, quartâ post amputationem septimanâ mortui.

Praeter vasa in hac materie novos generari nervos ostendit illius sensibilitas. — Vasa autem lymphatica, absorbentia hic quoque formari, inde inter alia confirmatur; quod minima pressio ad carunculam excitata sufficiat, ut dispareat & consumatur quasi; sed solidorum vivorum consumptio quid aliter quam eorundem absorptio?

Caruncula illa musculosa in cicatricem mutanda, musculos dein tegit, musculorumque exterius evadit tegumentum; sed indolem musculosam, ex irritabilitate Hallerianâ dignoscendam, non induit. —

A parte autem externâ ipsa tandem specie obducitur. Epidermidis, sed quae lente demum formatur; formata vero continuo & per totam vitam subito renascitur, unde lamellaris & tunicis callosis quasi squamosa superficies membra amputata ac diu sanata investire solet, ut cuivis, membra post amputationem jam diu sanata examinanti, constare potest. — Primâ fronte causâ hujus Epidermidis augmenti videri posset in pressione posita esse, quam ex adjuncto membro artificiali membra amputata saepe patiuntur; at vero, cum etiam ad membra amputata observetur, quae talem pressionem nunquam experiuntur, neque experiri possunt, ve-

rior videtur causa esse in singulari dispositione secretoria, in ipsa cicatrice enata.

Quid tandem de ipsis fibris muscularibus fit dissectis, & ad vulneris extremum superstitibus post sedatam inflammationem, eamque sequentem absorptionem, quae ex amputatione firmo insertionis puncto ad os carent?

Initio cum amplâ superficie gaudeat plaga ad sanationem se componens, omnes adhuc fasciculi musculosi dissecti ad eandem reperiuntur, sed hi omnes lente retrahuntur, tandemque ad membri amputati extremum nulli supersunt, unde conica illius forma. — Retractae illae fibrae inde ab eo loco, quo gracilesce-re incipit membri conus, disparent, cum telâ cellulosa densatâ, ante dictâ, quasi confluent, in hac evanescent, ossisque extremo accrescunt (*f*).

Non tantum hoc locum habet, quod bene notandum, quoties circulari & parallelâ sectione omnes muscoli in amputatione discinduntur, verum etiam ubi sectio introrsum adscendens versus os de partibus mollibus concavam format conum, vel etiam ubi sectionibus obliquis utrinque de his partibus mollibus, praecipue

mu-

(*f*) Ut ex sectionibus Clar. BRUGMANS de his quoque constitit, ita idem mihi confirmatum fuit per praeparatum, a Cl. VROLIK Professore Amstelodamensi mecum humanissime communicatum, sanati inde a multis annis cruris, quod cultro anatomico submisit.

musculis relinquuntur duo segmenta majora, quae sectum os operiuntur. — Non ergo, ut musculosae partes in amputatione servantur, requiritur, qui sanandum os pulvinari quasi musculo tegatur; nam aliquo tempore post nunquam ad ossis extremum reperitur fibra musculosa, verum unice, ut ossi & perioestio parcatur eo melius etiam ab effectu aëris atmosphaerici, os stimulantis, ejusque sanationi contrarii, & simul ut minuat vulneris superficies.

Quod si ergo sectiones consulissent AMBROSIIUS PARAEUS (g), VERDUIN (h), SABOURIN (i), P. QUERENET (k), aliique, non scripissent, relictos in amputatione musculos post sanationem prosecti ossis extremo pulvillum praebere. — Musculosae fibrae dissectae cum osse nequidem coalescunt, sed ossi densata tela cellulosa accrescit, in quam terminantur illae fibrae, & mediante illâ telâ, superstites musculi membrum, amputationem passum movent, nato sic veluti novo tendine. —

Eodem modo res se habet, si os longum, necrosi affectum, os humeri v. gr. de parte vivâ separetur, atque interea novum

OS

(g) Lib. XII. de contus: cap. 30 & Mem. de l'Acad. R. de Chir. tom. 2. p. 269.

(h) Nouvelle Methode d'amputer les membres par Mr. P. A. VERDUIN à Amst. Pan 1756. p. 33.

(i) HEISTER. Inst. Chir. p. II. sect. I. cap. 35. p. 506.

(k) CL. SANDIFORT Bibl. Phys. Med. 2. 4. p. 558.

os cylindricum de callo extrinsecus apponatur, quale apud CLAR. WEIDMAN (1), & apud CLAR. SANDIFORT (m.) occurrit, & qualia plura e cadaveribus, cultro Anatomico subjectis in Museo servat Cl. BRUGMANS. — In his musculi de antiquo osse soluti, interventu telae cellulosae densioris cum novo osse concreverant, ut novum os interpositum antiqui ac mortui ossis non tantum firmitatem acquisiverit, sed etiam ad voluntatis nutum per musculos pristinam mobilitatem.

§. VIII.

Quae in vasis sanguiferis contingunt.

Sub amputatione vasa sanguifera arteriosa & venosa discinduntur, eorumque trunci majores & rami minores, ramique minimi dividuntur.

Quibus lumina exiguae sunt diametri, sese mox prae irritabilitate ex valido insolitoque stimulo admoto claudunt: majores arteriae ligaturâ constringi solent, ut haemorrhagia avertatur. —

10

Duo.

(1) Vid. Cl. WEIDMAN de *Necrosi*, Tab. VIII.

(m) Vid. CLAR. SANDIFORT in *Thes. Anat.* Tab. CI. Praeceptorem meum aestumatissimum, cujus tum publicis tum privatis institutis mihi frui licuit, cuique pro omnibus mihi praestitis beneficiis justissimas ago gratias.

Duo hic sunt investiganda: 1^o. quatenus mutationes in vasis ligatis vel sua sponte constrictis, potissimum arteriis fiant, & 2^o. Undenam sint vasa in substantiâ novâ, cicatricem constituyente.

Quod ad primum. Sectiones institutae docuerunt sequentia.

Pars arteriae, quae infra ligaturam est, cum humorem nutritium non amplius recipiat, moritur, quo facto cito separatur, non ex corruptelâ, non ex putredinè, sed ex lege, quâ omnis pars mortua a vivâ relinquitur, deletâ per absorptionem solidorum ex stimulo admoto laminâ intermediâ (n). —

Cum stimulus hic ex filo constringente sit, non potest, quin lamina vasis ligati supra filum, sed filo proxima sic pereat, atque adeo arteriae ligatae extremum unâ cum filo cadat. — Post fili lapsum extremum arteriae plerumque jamjam coealit, ut haemorrhagiae metus non amplius locum habeat. —

Quam primum enim per arteriam constrictam non amplius sanguis fluit, atque insuper a filo arteria irritatur, arteriae lumen coarctatur, & quod hac in re praecipuum est, arteria inflammatio-

(n) Vid. *Dissert. Inaug.* Clar. VAN MAANEN *de absorptione solidorum* p. 63, & *Dissert. Inaug.* Cl. VROLIK *de defoliatione vegetab.* p. 32.

tionem patitur, eo intensiorem, quo tractus filo propior fuerit. — Hinc in interiore arteriae parte de vasis arteriae propriis lymphae coagulabilis species fudat, quae hic coalitum efficit organicum, non alio modo, ac simili de causâ omnes partes vivae inflammatae, sibi quae accumbentes in universo corpore concrefcere solent. — Sic coalita & obturata arteria postmodum speciem praebet ligamenti, quod confluit cum densatâ telâ cellulosâ, & in eâ disparet, quam investire amputati membri extremum diximus.

Hi arteriarum trunci in variis, ad variam inde a vulneris loco distantiam occallescent. — Plerumque autem sic concrefcere videntur ad exortum usque rami primi majoris.

Quod cum ramis arteriarum ligatis antea contingit, etiam contingere, imo citius quam in prioribus videtur cum ramis minoribus, sponte sese contrahentibus. Extrema nimirum in amputatione irritata inflammantur, post aliquot dies, universali plagae inflammatione sedatâ, & haec solvitur cum concretionem illorum ramorum sequente.

Haec explicatio rationis, ad quam arteriae resectae orificia clauduntur, observatione nititur, ac naturae organicae legibus convenit. Non ergo, ut statuerunt FABRICIUS ab AQUAPEN-

DENTE (o) PETIT (p) MORAND (q) PLATNER (r)
DE GORTER (s) VAN SWIETEN (t) alique; coagulum fan-
guineum, quod thrombum vocant, laesis arteriis mechanico ob-
turaculo est; — hoc enim si vel formarétur, brevi diffunderet ac
denuo inchoarét sanguinis fluxus; sed ortum debet excitatae in-
flammationi, cujus effectus nunquam non est lymphæ coagulabilis
effusio, quam sequitur partium sibi accumbentium concretio. —

Stiptica dicta remédia qualiacumque, Comprimentia, Adstrin-
gentia, Acida, ipsum Cauterium hinc non agunt excitando san-
guinis effluentis concretionem, quæ paucarum foret horarum, sed
stimulando, irritando, atque irritamento excitando contractionem
& inflammationem, sine quâ arteriæ coalitis locum non habet. —

Sic quoque intelligitur, qui possint in thrombo dissectæ alicu-
jus arteriæ vasa oriri, qualia primus J. HUNTERUS observavit,
etiamsi non deriventur a vi vitali ipsius sanguinis, ut fecit vir Il-
lustris. — Thrombus nimirum est productum vis vitalis arteriæ in-
flam-

(o) *Oper. Chir. Lib. 2. cap. 10.*

(p) *Mem. de l'Acad. R. des scienc. de l'an 1731. pag. 222. fig. 8. Conf. Mem. l. l. l'an 1735.*

(q) *Mem. de l'Acad. R. de Chir. tom. 2. p. 86, 220 & 229.*

(r) *Inst. Chir. Rat. §. 244.*

(s) *Chirurg. repurg. §. 653.*

(t) *Camx. ad CL. BOERH. Aph. 471. tom. 1. p. 325. conf. 346. & seqq. l. l.*

flammatae, quae initio coaguli quasi informem massam secernit, dein in eo nova vascula parat, quemadmodum ubivis obtinet, ubi arteria inflammatione correpta, hinc ad novam actionem excitata, novam organicam massam fingit.

Quod ad 2^m. Liberam systematis vasorum sanguiferorum viam esse versus novam propaginem, e qua cicatrix fit, quam ante carunculam diximus, clarissime patet, non tantum, quod caruncula illa citò crescit, atque nutritur, deinde ad minimam laesionem facile sanguinem plorat, verum etiam per injectionem, dum materies injecta per arteriae truncum ad omnem carunculae superficiem penetrat. — Non hic patet via immediata per truncum majorem, nec per ramos primi aut secundi ordinis, quorum omnium extrema firmissime coalescunt, sed rami minores, qui in statu sano vix ac ne vix quidem sanguinem rubrum vehebant, organa videntur, quae nova vasa emittunt, dum ipsa primum extenduntur, dein etiam suas propagines, per extrema crescentes, quae initio gelatinosae sunt, suâ vice extendunt.

Vasa ergo nova propago sunt vasorum minimorum: ad horum extrema generantur in gelatinoso carunculae primordio, ipsa gelatinosa sunt, solidescunt dein, & pedetentim in vasa sanguifera, structurâ cum reliquis omnibus vasis sanguiferis convenientia, abeunt.

§. I X.

Quae in nervis contingunt,

Nervi, ut sensationum organa, irritati prae reliquis organis dolent, hinc sub dissectione vividissimum excitant dolorem; dissectioni singularem magis acutum atque ingratum sensum, quam reliquae partes, excitare vix videntur.

Licet, ut jam ante dictum, manifestam contractilitatem non ostendant, delitescunt tamen jam eo tempore, quo universa plaga ex inflammatione tumet, inter partes musculares, sive sic ex propria sua vi retrahantur, sive vasa, quibus proxime adhaerent, retracta sequantur.

Quum ergo de iis, quae nervis dissectionis accidunt, nihil observare liceat in vulnere ex amputatione nato, quod ad sanationem se componit, quid illis contingat, refero unice ex iis, quae in cadaveribus hominum variâ post amputationem periodo mortuorum, a Cl. BRUGMANS observata sunt.

Formatâ ad musculos resectos primum laminâ ex lymphâ coagulabili, dein puriformi & postea carunculâ succrescente, his nervi resecti extremum tegitur. Nervus ipse albus jam mox ad extremum colore mutatur, fit externâ non tantum facie, sed etiam

internâ rubellus, ut membranae levi inflammatione correptae esse solent. — Sive nunc initio hujus affectus tumeat, sive minus, dein 28^o. v. gr. die post amputationem, colore rubello superflite, flaccescebat, & jamjam cum molli muscutorum carunculâ nervus quasi confundebatur, dum morbose affecta plaga ad distantiam fere unius pollicis a resecto extremo terminabatur lineâ definitâ circulari: supra hanc lineam haerens nervi pars externo habitu naturalis & sana subtrunebat.

Hoc jam tempore fibras exiguas nerveas novas in substantiâ illâ pulposâ, quam carunculam diximus, quaeque in cicatricem postea abit, formatas esse hujus testari videtur insignis sensilitas. — Undenam autem illi formentur, ad oculum non fuit observatum, sed satis constitit, illos ex majoribus nervorum resectorum ramis ortum non sumere, sed e contra plura sunt, quae suadeant, tenuissimos ramulorum ramulos huic regenerationi ansam praebere paratione, ac reproducta vasa sanguifera non ex vasis majoribus, sed e vasculis minimis generari, supra dictum fuit.

Quid sit, extrema illa regio nervea, quam modo dixi rubellam, flaccidam & volumine minutam, magis magisque tractu temporis structurae mutationem pati videtur, ut tandem cum reliquâ cicatricis massâ, telâque cellulosâ membri amputati extremum vestiente penitus confluat, ut non amplius ab eâdem in membris amputatis & sanatis distingui possit.

Pars autem nervi colore naturali, quam subtimidam supra partem priorem & indole pessumdatam inodo memoravi, rotundatur, tumensque capitulum format, uti aliam observavit CL. USÖMMER-RINGIUS.

Capitulum hoc ad truncoſ nervos principes praecipue conspicendum, neque ad ramosiſ minores deficit, qui in cadaveribus amputatorum, sanatorum, famulos quaquaversum, versus cicatricem vagantes, emississe reperiuntur.

Quae sic phaenomena nervi offerunt, omnes in illis periodos ostendunt inflammationis suppuratione terminandae, quae analogae est huic affectui in reliquis partibus vivis. — Primum inflammantur, dein inflammatione declinante substantiae obtinet consumptio & eodem tempore Natura novam generat materiem organicam, e qua capitulum procul dubio est, in quod nervus reſectus & sanatus terminatur.

§. X.

Quae in vasis lymphaticis contingunt.

Quamvis de his per observationem directam in plaga ex amputatione nata nihil affirmare liceat, cum nec visui illa sese offerant, nec illorum mercurio replendorum occasio fuerit, cuncta tamen suadere videntur illa communi inflammationis legi subjici. —

Ex irritamento enim posse vasa lymphatica inflammari, aliunde constat, & ab omnibus assumitur: si ergo unquam, post sectionem inflammantur, necesse est. — Hac inflammatione in suppurationem transeunte, nec tantum eorum extrema perire, sed & dein nova vasa lymphatica generari, verosimile est. — Saepius etiam constitit, mininam carunculae obmotam pressionem sufficere, ut ipsa caruncula consumatur, deleatur, hoc est, absorbeatur a vasis lymphaticis, quae procul dubio in ipsâ carunculâ exstant.

§. X I.

Quae in osse & periostio contingunt.

Amputatione factâ, modo fuit dictum; periostium pati inflammationem, suppurationem, ac calli generationi primam dare an-
sam. — Os ipsum vitae tardioris praebere indicia, puncta rubella visui patere, deinde acutis marginibus rotundatis, callum prorumpere, hunc sese miscere cum callo ex utroque periostio succrescente, hinc osseo extremo uniformem callosam laminam apponi, sensim medullarem canalem replentem, ejusque margines porro nonnihil prominere, ac cum tandem durior factus sit, locum dare insertioni telae illius cellulosae, densioris, ad quam omnes ad cicatricem pertinentes partes conflunt, ac confunduntur, quo de-

mum

num tempore os ferrâ ante vulneratum, sanationis terminum attingisse dicitur.

Cognitâ jam cum perioftii, tum offis indole phaenomenorum, horum omnium ratio fuâ sponte intelligitur.

Perioftium tum externum, cum internum, quae fabricâ omnino conveniunt, membrana est omnium Anatomicorum consensu egregie organica, vasorum cujusvis generis dives, nervos quidem recipiens quam plurimos, sed tamen parum fenfibilis. — Vi hujus fabricae inflammationis verae capax est, & ex hac membranam illam tumere, rubere, calere atque dolere debere quisque intelligit. Talia phaenomena etiam in inflammato perioftio observarunt RUISCH (u), CL. BONN (v), TROJA (w), atque in illo post amputationem, ut ante dictum, observavit CL. BRUGMANS.

Et quamvis os tardioris vitae ipso perioftio indicia praebeat, dubio tamen caret, quin vivat non tantum, verum & arterias, venas & vasa lymphatica habeat, nervosque ad interiora transmittat. Confirmantur haec ad oculum cultro Anatomico, ac dein per rationem formationis offium, per injectiones artificiales, per

co-

(u) *Epist.* 2. p. 17 & 18. *Ep.* 5. p. 18.

(v) *l. l.* pag. 152.

(w) *Versuche über den Anwachs neuer Knochen*, p. 119.

colorem ossibus rubiâ tinctorum cum alimentis animalibus propinata, inductum, per mutationes denique, quas ossa ex aetate morbisque patiuntur, cet: de illis ulterius constat.

Cum ergo sic os sibi vivat, suâ compositione etiam inflammationem pati poterit, quae periostii inflammationem concomitatur, sed ab eâdem tamen non pendet. Ossis quoque quæ talis inflammationem peritissimi agnoscunt Chirurgi.

Jam vero hæc periostio & ossi eveniens ex amputationis stimulo inflammatio; rationem continet omnium, quæ primâ post institutam amputationem periodo memoravi phaenomena. — Et quoniam hæc inflammatio est ex earum numero, quæ resolutionem non admittunt, at felicissimum exitum in novo statu inveniunt, quem *Suppurationem* dicunt, sub puris formatione, duo illa contingere debent, quæ in omni suppuratione evenire §. IV. fuit memoratum.

Id scilicet 1°. quod per inflammationem non resolvendam pessumdatum est, separari debet, & 2°. in partium separatarum locum regenerandum est, quod partis deperditæ vices teneat.

Ad priorem inflammationis suppurantis effectum pertinet periostii utriusque ad extimam vulneris superficiem quasi consumptio, dum vasa lymphatica, ex stimulo auctâ actuositate donata particulas pessumdatas resorbendo delent; huc pariter pertinet ossis

amputationem passî marginis exterioris obliterationio, dum ora acuta omnis obtunditur, & rotundatur (x). —

Ex arcto perioftii cum ossis nexu, majorique illius energieâ non tantum verosimile est, hanc ossis consumptionem maximam partem ab absorbentibus perioftii vasis proficisci, verum etiam ex eo idem confirmatur, quod illa ossis ora, quae utrique perioftio proxime adstat, potissimum volumine minuatur. — Interim non unice hanc ossium particularum segregationem perioftii efficaciae adscribere licet, suas etiam in illâ partes ipsum os habeat, necesse est. —

Ut enim ipsum inflammatur, ita subeat, oportet, ea, quae inflammationem sequuntur. — Habet etiam sua vasa, ut reliqua, ita lymphatica, & quod rem directe probat, est, quod in fracturis complicatis haud raro absorptione pereat pressum, etiamsi nec perioftio amplius tegatur, nec illi accumbat.

Qui hanc substantiae osseae ablationem ad superficiem laesam observarunt, illam passim *Exfoliationem insensibilem* vocant, eamque opponunt *Exfoliationi sensibili*, de quâ Sectione sequente dicam.

Ex

(x) Vid. Cl. VAN MAANEN l. l. pag. 49, 92. Ill. SÖMMERRING *Knochenlehre* §. 46;

Ex illis autem, quae hactenus disputavimus, satis, ut credo, constabit; 1°. hanc ita dictam exfoliationem insensibilem necessario inflammationem non resolutam sequi debere, illamque ergo locum habere in omni amputatione, cujus felicissima etiam est sanatio; & 2°. illam exfoliationem non esse singulare aliquod in ossè phaenomenon, sed commune cum omnibus partibus viventibus, quae cunctae post inflammationem, suppuratione terminatam, substantiâ imminuuntur.

Alter omnis suppurationis effectus est generatio novae substantiae, quae locum tenet substantiae post inflammationem deperditae. — Haec substantia ossi succedanea Callus est, qui post inflictum ossi vulnus quaecunque, atque adeo etiam post amputationem semper generatur.

De processu, quem natura in generando hoc callo servat, non est quod dicam.

Post recentiorum observationes, praecipue post ea, quae praestitit praeclarus in Amstelodamensium Athenaeo Professor Anatomiae BONN, in confesso est, post inflammationem „ nascentem
„ callum carnem (y) repraesentare, dein corium referre, quod
„ in veram cartilaginem non degenerat, verum ubi induratur,
„ na-

(y) Quod jure nascentem callum Cl. BONN carnem vel carunculam cum CELSO dicat, vid. in *Diss.* ipsius de CALLO pag. 153 & pag. nostram praeced. 13.

„naturam membranceam cum ossæ commutare, dum os corio
 „succedit,”
 „Callus porro perfectus, organicus, pars ossis fit: aliquando
 „etiam morboſi ossis instar, totus solidus est, vel morbo remolle-
 „ſcit, atque carie diffolvitur (z).”

Atque hanc BONNII V. Cl. ſententiam ex iis, quæ nos ſupra
 de offe diſſecto §. III. diximus, plane confirmari, inter omnes
 ſane conſtabit.

Callus adeo ad os ferrâ diſiſum, dum ſanatur, creſcit. Hoc
 callo, primum ſubfluido, dein molli, porro tenaci, & tandem
 duro omnis externa ossis ſuperficies obducitur, & canalis medul-
 laris primum anguſtior redditur, dein clauditur. — Hoc eſt, quo
 uſque ſe extendit in offe vulnerato inflammatio, eo uſque ſe poſ-
 tea extendit calloſa nova lamina. —

Semper ergo in offe poſt amputationem ſanato ultra marginem
 externum ſurſum aſcendit, aliquando parum tantum (e), aliquan-
 do ad inſignem altitudinem (f), unde obſervato poſt mortem
 offe facile cognoscitur, quouſque olim inflammatio juxta ejus ſu-
 perficiem ſeſe extenderit.

Latere externo aliquando augetur formatuſ calus, ut ſpinulas
 ad

(z) Verba ſunt Cl. BONNII in *Diſſertatione laudatâ* pag. 200.

(e) Vid. Fig. XII, XIII. Tab. I.

(f) Vid. Fig. VII, VIII. Tab. I & Fig. III. & V. Tab. II.

ad directionem musculorum annexorum emittere videatur (g), quod irritationi ex mollibus, quae extrinsecus apponuntur, partibus excitatae tribuendum.

Sed undenam est ille callus? Quamvis circa hanc quaestionem in varias sententias abierint Auctores; ut alii periostium in callum abire statuunt (a), alii callum formari inter periostium & os affirmant (b), alii aliter sentiant, hodie tamen satis evictum videtur potissimum per experimenta TROJAE (c), CL. BLUMENBACHII (d), KOELERI (e), MACDONALDI (f), aliorumque periostium in callo generando praecipuas habere partes. — Ossa enim periostio nudata praecipue moriuntur, novumque os refarcitur ex callosa materia, eo loco formata, quo actuosum periostium relictum est.

Sed sit ita, ut periostium organum sit princeps callum generans,

(g) Vid. *Fig. VII, VIII, XV, XVI. Tab. I.*

(a) Vid. DU HAMEL, in *Hist. de l'Acad. R. des scienc. l'an. 1742. & 1743.* Conf. CL. ALBINI *Annot. Acad. Lib. 6. cap. 1.* Vid. CL. MARRIGUES *Abb. von der Bildung und den Fehlern des Callus.*

(b) DAVID *Observations sur une maladie d'os, connue sous le nom de Necrose.*

(c) *De novorum ossium in integris & maximis ob morbos deperditionibus regeneratione Experimenta &c. Lutet. Parisior. 1775.*

(d) *Geschichte und Beschreibung der Knochen.* CL. RICHTER *Chir. Bibliothek. 6. Band. p. III.*

(e) *Experimenta circa Regenerationem ossium Götting. 1786.*

(f) *Disput. inaug. de Necrosi et Callo, Edinb. 1799.*

rans, non tamen ex solo periostio novam illam substantiam derivare possum; ut non & aliqua parte ex ipsa esse fiat. Unde etiam
 (O)stem non tantum vivit; atque propter eam ex communi omnium organorum viventis degenitum reproductricem habere debere, est concludendum; verum ex enarratis phaenomenis, vel ad oculum patere. calli ex ossis substantia origine[m] arbitror. Scilicet inflammatur; & post inflammationem sedatam primum gelatum fundit, deinde puncta; surq[ue] ante iterum, ad oculum distinctas quasi carneâ format (vel, ut alii dicunt, *granulationem* ad superficiem expeditur) sensim augenda, quae cum carunculâ periostii confluunt, & tandem in callum abeunt (g). Et porro renascitur periostio; quamvis dentes, os exortus sigillatim experimentis (h) quoque constat, eademque patet ex calli formato, multis in fracturis; in quibus periostium actuosum esse non potuit. *Statuimus igitur; Callum potissimum à periostio tum externo, cum interno fieri, sed & ipsius os vivens huc suam partem conferre.*

§. XIII. De calli formatione.

Conclusio.

Quod si ergo cuncta, quae huc usque disputavimus, in unum con-

(g) Conf. Cl. BONN. *Dissert. de CALLO* pag. 156. seq. Vid. Doct. VAN HEEREN, *Diss. de Osteogenesi praeternaturali* pag. 25.

(h) Vid. RUSSEL *Practical Essay on Necrosis*.

contrahamus, si apparet phaenomena, quae post amputationem in partibus laevis etiam ossibus observantur, si ratione maxime naturali sanationem instituit. Naturae in universum esse eadem illa, quae ex vulnere simplici in laevis recentium, unde cognita, itaque eorumdem ratio egregie sua vice illustrare videtur, quae in omni vulnere contingunt, quod eo majoris est momenti, cum aliorum vulnere accuratius examinem, quo ad amputationes, quas singulae in illis partes laesae variam etiam sanationis periodum patiuntur, admodum sit difficile.

Ceterum ex omnibus hisce praemissis patere quoque arbitror, eandem omnino lege adstringi Medicum ac Chirurgum sub cura plagae, amputatione factae, quam tenetur in vulnere qualicumque tractatione. — Adset observatori sedulus, Naturam ad sanationem tendentem sibi relinquat, necque aliud quid molietur, nisi ut aptam dietam, vel & medicamentis, si opus fuerit, illam sustineat, vel si aberraverit, reducat ad rectam agendi normam, quae in corpore sano ipsi solennis est.

SECTIO SECUNDA,

D E

*IIS, QUAE IN MEMBRO, AMPUTATIONEM PASSO
ET POTISSIMUM IN OSSE CONTINGUNT, SI
HUIUS LAMINA EXTERNA, NECROSI AF-
FECTA, FELICITER SEPARETUR.*

§. I.

*Phaenomena ad separationem laminae ossis secti ex-
ternae in universum spectantia.*

Felicissimum Naturae processum, Sectione praecedenti exposi-
tum, quo extrema ossis per amputationem secti superficies, in-
flammatione correpta, fere semper separanda per absorptionem
perit, ut *exfoliationi* ita vulgo dictae *insensibili* locus sit, proxi-
me sequitur alius, de quo hac sectione est dicendum, cum lamina
ossis secti externa ita pereat, seu Necrosi afficiatur, ut partis vi-
ventis, cui accumbit, virtute solvatur, ac foras exeat, quem *ex-
foliationem sensibilem* jam diu appellarunt.

Primo itaque loco phaenomena in universum huc facientia enarraturo, illa notasse sufficiat, quae hoc casu differunt ab iis, quae locum habent, quoties sine laminae osseae separatione sensibili juxta sectionem praeced. sanatio contingat.

At nemo, ut spero, mihi vitio vertat, quod hac sectione fere unice de mutationibus, quae ossi contingunt, dicam, praesertim cum supra de singulis partibus in amputatione laesis egerim. Propositum enim mihi fuit inde ab initio de variis ossis affectibus ex amputatione ortis agere, cum autem ratio eorum, quae sic in osse locum habent, reddi non possit, nisi simul ad partes illi accumbentes molles attendamus, nec phaenomena, quae in his obtinent, silentio eo loco praetermittere potui.

His autem positis, in sequentibus, credo, suffecerit, si, quid ad separationem laminae osseae, per hujus necrosin, affectus morborum partium earundem mollium conferant, pariter indicavero, etiamsi ipsos illos affectus partium harum mollium fusc haud prosequar, ne justos dissertationis limites nostra excedat disputatio.

Ex quacumque demum causa, postea memoranda, separatio laminae ossis amputati extremae inducatur, ac sanationem praecedat, illa nunquam locum habet, nisi antea partis separandae vita, quam in osse omnes hodie Physiologi agnoscunt, extinguatur, hoc est, nisi antea pars separanda moriatur, — In eo enim ita consentiunt

tiunt omnes, ut nullâ omnino probatione opus esse videatur, nimirum nullam corporis vivi partem spontaneo secessu separari aut cadere, nisi antea pars separanda vitâ privetur.

Cum autem haud uno modo ossea hic separanda pars mortem experiri, multiplex morbosus affectus hanc mortem excitare possit, inde quidem varia nonnihil separationem potissimum praecedunt phaenomena, sed illatâ morte ex qualicunque causâ, sequentia ut plurimum semper locum habent, quamvis diverso admodum inde ab amputatione institutâ tempore.

Periostium aequè externum ac internum, quod in sanationis processu sect. 1^{ae}. ossis secti ultimo margini adstat, (a) eique adhaerere pergit, quod mox inflammatur ac tumet, dein speciem suppurationis subit, atque eodem tempore formationi illius carunculae ansam praebet, quâ os tegitur, quaeque in callum verum, ossis extremum egregie firmaturum, dein abit, nunc retrahitur, osque adeo margine extremo nudatum relinquit, dum eâ parte, quâ retractum ossi adhaeret, eo habitu occurrit, ac occurrere sect. 1^{ae}. §. 11. antea fuit dictum.

Tumet nempe, dolet, rubet, hoc est, inflammatur, dein pus secernit, ac carunculam calli gignit. Periostii ergo habitus in eo
tan-

(a) Vid. §. 11. *sect. 1.*

tantum discrepat ab habitu, qui in processu sect. praecedentis memorato, spectatur, quod retractum os relinquat margine externo denudatum.

Ceterum, bene notandum est, aliquando ita mutari & perio-
stium externum & periostium internum, aliquando autem vel solum
hoc, vel tantum illud.

Quod ad os ipsum attinet; cum futura separatio laminae exter-
nae mortem ponat, haec lamina eo ipso momento, quo separatio-
nis processum natura inchoat, ulterius non mutatur. — Si lente
moriatur, hoc est, aliquo tempore post amputationem, extrema
ora emollitur, absorbetur, imo suas partes in generandâ caruncu-
lâ calli potest habere &c, sed vitâ extinctâ, nullam amplius lo-
cum habere in eâ mutationem contendimus, aequè parum, ac si
subito mox post amputationem factam vita deletur.

Hinc enim tenues a ferrae denticulis superficiei divisae impres-
sae lineae, vel in hac superficie supersunt, etiamsi per plurimum
septimanarum vel mensium spatium pure, imò acriori ichore ma-
ceretur extremitas (a).

Idem confirmat, quod non emollitum fuerit femoris extremum,
diu mortuum omnibusque corruptelam Chemicam inducentibus
caussis

(a) Vid. Fig. IX & X. Tab. I.

caussis expositum, quod WEIDMAN Tab. X. delineavit; & similiter, quod nullatenus consumtum aliud femoris extremum appa-
ruerit, foedissimâ sanie immersum per aliquot menses, quod in Museo servat Cl. BRUGMANS.

Mortua ossis lamina externa, quae proinde non mutatur, carunculâ calli aliquando tamen tegitur, etiam post ejus mortem, dum ex utroque perioestio, ad exiguam ab extremo margine distantiam retracto, caruncula calli propullulat, quae utrinque adscendens illum marginem tegit, & ad se invicem accedens penitus involvit. Aliquando autem separandus hic margo carunculâ calli non obvestitur, sed denudatus in ulcere semper conspicitur; quod si contingat, certi esse possumus de hujus marginis morte & separatione expectandâ, si cuncta ex voto cedant.

Ille autem margo, seu superficies ultima carunculâ calli non ita obvolvitur, si repente post amputationem ejus vita extinguitur, si partibus mollibus retractis os sectum promineat, & in univ-
ersum, si perioestium ad majorem ab ossis orâ extremâ distantiam retractum extremum nudatum reliquerit.

Etiamsi otiosum videatur os ad oram externam, actuosum valde est eo loco, quo mortua lamina definit.

Hoc nimirum loco similem functionem os exserit, quam edere sect. praecedenti usque ad extimam superficiem diximus.

Ad limitem nempe partis vivae & mortuae vivum os quasi

emollitur, asperitates, puncta prominentia referentes contrahit, lente perit, ac si deliquesceret, & mox in exteriori superficie linea spectabilis notatur, quae partis separandae limes existit. Eodem tempore facies ossis affecti rubicunda puncta mollia ostendit, carunculam calli generantia, ut de hac caruncula vel tenuis lamina inter partem separandam, & partem separantem vivam formetur. Haec *Crenae* ita dictae origo: (*b*). —

Crenâ porro magis magisque fit manifesta; de emollito, absorpto, rotundato ossè continuo magis magisque recedit substantia extima, & pro eâ ratione caruncula inter superficiem vivam laminamque mortuam separandam augetur, excrescit, donec tandem in paucis tantum punctis separandus margo cum reliquo ossè cohaereat, vacillare incipiat, in dies magis magisque vacillet, & denique suâ sponte cadat. — Post marginis hujus separationem ossis facies ex carunculâ calli aequaliter effusâ rubet, accurate tegitur, & temporis progressu sequitur sanatio, molli carunculâ in callum durum mutatâ, quo ultimo canalîs medullaris repletur ad eandem normam, ad quam sanationem felicissimam sect. 1^a. decurrere retulerim.

Ita res se habet, si separandus margo carunculâ ante non tegatur

(*b*) Vid. Tab. I. Fig. I, II, III, IV, V, VI, VII, VIII, Tab. II. Fig. I, II, III & IV.

tur; sin autem illâ tegatur, ut nudus margo mortuus non promineat, ossis vivi functio eodem modo se habet ac modo dictum, emollitur, absorbetur, crenam format, mortuumque dimittit marginem, sed eodem tempore margo mortuus sibi per carunculam, quâ tegitur, foras viam parat. — Instante separatione caruncula evadit tenuior, colorem mutat, & extenuata tandem quasi diffluit, ut nudus margo initio pro parte, deinde totus foras promineat, benigno naturae conamine expellendus.

Quâ ratione hoc fiat, nemini obscurum erit, si quidem perpendat os mortuum hic unice stimuli loco agere posse in accumbentem carunculam; ex stimulo hoc ad actum excitari absorbentia vasa, in carunculâ praesentia (b) atque inde ipsius carunculae per propria vasa absorbentia absorptionem seu consumptionem necessario consequi (c). — Mortuus enim hic margo osseus per partem vivam sibi viam parat, ut corpora quaevis mortua in partes vivas prementia has absorptionem excitando ad consumptionem ducunt. — Sic globi plumbei, corpori inclusi, sic corpora alia aliena; sic humores cavum praeternaturale urgentes, sic tumores molliores, duriores, durissimi in vivas partes agentes idem plane efficiunt.

Par-

(b) Vid. §. 3. *fest.* 1.

(c) VAN MAANEN *Diff.* 1. pag. 63.

Parte mortuâ separatâ ossis ulcus ad illum statum perductum esse jam dixi, in quo Sect. 1^a. illud versari memoratum fuit, dum extrema ora inflammatione antea correpta, per absorptionem periit, ac nunc callo solidescente eoque aucto extremitas laesa sanatur, & tandem vel ipse canalis ossis medullaris novâ hac substantiâ clauditur.

Sive ergo de ossè amputato margo exterior integer recedat, sive minus, ut tempore diverso fragmentorum formâ prodeat, post illum secessum semper similia in ossè locum habent phaenomena & conveniens habitus. — Ita Fig. XII & XIII os quidem referunt, de quo post amputationem margo pulsus fuit, sed ab hoc vix distingueretur omne aliud eâdem morbi & sanationis periodo ad examen vocatum, quod externum marginem non dimisit.

Si aeger, cujus hoc fuit os, supervixisset ad plenam sanationem, forma ossis fuisset, ut in Fig. XIV, XV & XVI.

§. I I.

Causa proxima separationis marginis mortui.

De causâ proximâ separationis laminae mortuae a parte vivâ variae sunt doctorum virorum sententiae, quibus recensendis otium fecit
in

in primis Cl. WEIDMAN (*d*); memorasse sufficiat, separationem non fieri, ut antiquiores multi voluerunt, ex puris partiumque mortuarum corruptelâ. — Sic enim pars ossis mortuâ, neququam viva, periret, ut §. praeced. dictum. —

Non etiam erit ex arietatione arteriarum in carunculâ praesentium, ut, docuit VAN SWIETEN (*e*), nam carunculâ inter partem vivam & mortuam non succrescit, nisi, ubi jam ante lamina inter partem mortuam & vivam ablata sit. —

Non etiam ex simili causâ ab extensione & expansione vasorum derivari poterit, ut voluit FABRE (*f*), neque a carunculâ qualicumque modo premente, & separationem instituyente, cum illa nimis mollis nullam resistendi potestatem vel vim mechanicam habere possit, quemadmodum jam egregie probavit WEIDMAN (*g*).

Longe satius est statuere (*h*), quemadmodum in sanatione per simplex ossis ulcus extremus ossis margo per efficaciam vasorum absorbentium aufertur, rotundatur, ita ad limitem separationis in necrosi laminam partis vivae ultimam absorptione eorundem vasorum perire, atque auferri, atque adeo separationem fieri, quod

unio

(*d*) *De Necrosi ossium Francofurti* 1793.

(*e*) *Advers. Med. Pract. V. 3. p. 63.*

(*f*) *Systematicq. Elemens of Surgery p. 287.*

(*g*) *De Necrosi p. 24.*

(*h*) Vid. Cl. VAN MAANEN *Diff. 1. p. 64.*

unio inter partes separandas tollatur, per detractam laminam intermediam, cui tum demum succedit caruncula saepius memorata, in callum abitura. — Aliis verbis, Naturae processus in ossis amputati sanatione per necrosin non differt a processu sanationis ejusdem per ulcus simplex, quem descripsi Sect. praeced., nisi in eo, quod in hoc casu ulcus, ad extremum ossis amputati obtineat, in illorsu autem ad seam, ab hoc extremo distantiam, ad quam definit pars mortua.

(§. III. De Crenae seu Vaminae separandae varietatibus.)

Crenae seu Vaminae separandae varietates.

Multiplex laminae osseae post amputationem separandae forma, adeo varia, ut vix occurrant duae sibi primae fronte similes, commodè tamen ad duas varietates reducendae videntur, scilicet ad Necrosin superficialem & ad Necrosin profundam.

Necrosis superficialis locum habet, si lamina extrema tenuissima, a ferrâ tacta, mortua separetur.

Quamvis annulus aut annuli pars ita separata aliquando valde tenuis sit, ut folium referat, indeque exfoliationis nomen omni huic separationi laminae cujuslibet datum sit, nunquam tamen sola facies, ferrâ tacta, secedit, quin semper aliquid vel de ossis superficie

ficie externâ, vel internâ, vel de utrâque simul feparetur, ut in Fig. I, II, III, in quibus tales separationes inclroatae repræfentantur, & in Fig. IX & X, annulos feparatos referentibus, (videre eft.)

Praeter generalia Necrosin comitantia phaenomena § 1°. allata,
haec varietas singularia offert sequentia:

Perioestio parum tantum a margine extremo retracto, etiamsi caruncula in callum mutanda ex annuli postmodum separandi facie externâ non oriatur, hac tamen in varietate potissimum os medio morbi, stadio carunculâ ex utroque perioestio prorumpente obtegitur, resorbendâ demum, cum separandus annulus in eo sit, ut vacillans sibi foras viam paret, quem casum retuli ad finem §. I.

Ipsū os vivum, hac porro in varietate parum tantum intumescit, ut tumor foras vix conspiciatur. —

Ipse annulus separandus vel lamina separanda nunquam i rectâ
lineâ vel superficie planâ, quâ parte cum ossæ vivo cohaesit, in-
fruitur, sed orâ semper definit denticulatâ, inaequali, dentibus
majoribus, vel minoribus, semper acuminatis, (et dentibus)

Post lapsum hujus annuli omnia se habent ac in casu Sect. 1^a

(c) Vid. *Fig. IX & X. Tab. I.*

relato, hac cum differentiâ, quod osseum extremum, callo firmandum & claudendum nonnihil latius evadat (*d*).

Quandoque loco extimae laminae, ferrâ tactae, Necrosis sese extendit per insignem ossis longitudinem & separationis fragmenti profundioris causâ existit, ut Necrosis altera profunda locum habeat.

Haec varietas, licet gradû tantum a priori differat, seorsim tamen est notanda, cum singulâ excitet symptomata, & usum practicum illius distinctio haud exiguum habeat.

Necrosis haec profunda rursus externa est, si potissimum pars separanda ad externam ossis superficiem pertineat, vel interna, si praesertim de facie internâ expellatur (*e*).

Quamvis aliquando utroque in casu medio morbi stadio facies externa ossis amputati carunculâ in callum abeunte tegatur, plerumque tamen facies illa ab hac carunculâ in ulcere nudata manet, imo, si hoc contingat, & si ceterum phaenomena, quae partes molles offerunt, sanationi favent, fere semper certi esse possumus de hac Necrosi profundâ instante.

Quid sit, hac in varietate periostium ad limitem usque separationis contabescit, & lente perit, sed, quod imprimis hîc observandum est, ad superficiem superficiiei separandae oppositam fortius

in-

(*d*) Vid. Fig. XII & XIII. Tab. I.

(*e*) Vid. Fig. XI. Tab. I.

intumescit, in carunculam excrescit, & productioni calli, os superstes vestientis occasionem praebet, quo os expellendum quasi refarciendum Natura curat. — Si Necrosis v. c. profunda ad superficiem internam medullarem pertineat (*f*), jam extimae ossis superficiei lamina nova callosa accrescit, & eâ parte, quae proxima est extremo separando, intumescit valde, & asperitatibus echinata quasi superficiem offert.

Causâ & usus hujus Calli copiosius effusi suâ sponte in oculos incurrit. (vid. §. sequenti).

Hoc loco interim memorandum est, laminam mortuam separatam aliquando non simul atque unâ vice de parte vivâ solvi, & foras prodire, at deinceps partitim. — In universum hoc locum habet, si causâe illam separationem excitantes inaequali vi in varias partis solvendae regiones vel puncta agant. In specie tale quid obtinet, si non eodem tempore pars ossis separanda moriatur. Si v. gr. lamina externa a ferrâ tacta, mox Necrosin patiatur, atque insequens regio interim ulcere depascatur, non quod ad sanationem ducit, sed quod ipsum lente Necrosin excitat, tum expulsâ priori laminâ, phaenomena in Necrosi observanda persistunt, ac post insigne saepe temporis intervallum alteram laminam, suâ vice solvendam, foras prodituram declarant. — Ita tertiâ ac saepius

(*f*) Vid. Tab. I. Fig. VII & VIII.

pius iteratâ vice exeunt quandoque nova fragmenta mortua, sanationique obfunt, quam reddere valent admodum molestam, in primis, si Necrosis profunda per chronicam inflammationem, pedetentim & per gradus latius serpentem, inducatur.

§. I V.

Cur post Necrosin profundam copiosior callus generatur?

Ex quâ causâ in universum hic Callus formetur, hoc loco non quaeritur: alibi enim satis demonstratum est (i), Naturam vi regeneratrice suâ universali callum semper gignere, nisi obstaculum adfit, ubi pars mortua de loco vicino secedit; sed quaeritur tantum, cur copiosius effundatur callus ad superficiem adversam superficiei, de quâ per Necrosin pars secedit, eo, ceteris paribus, majori quantitate, quo pars separanda major fuerit? —

Calli videlicet generatio verae secretionis est effectus. — Jam vero hac lege omnes secretiones reguntur, quod incitentur per admotos stimulos, & osseam laminam, Necrosi separatam, stimuli excitantis vice fungi, nemo facile in dubium vocabit. — Quo igitur lamina secedens major fuerit, eo major sit calli effusi copia,

(i) WEIDMAN de Necrosi p. 32. DOÏ. VAN HEEREN Diff. I. p. 32.

pia, necesse est. — Et in facie, averſâ a laminâ ſeparatâ generatur callus, quoniam illa ſola, vivens, callum praeſeparans, ad hanc praeſeparationem excitatur per ſtimulans fragmentum oſſeum mortuum.

Uſum praestat Callus hic effuſus, quem ubique adfert effectus vis generatricis, quâ in locum partium organicarum deperditarum noviter effectae ſuccedunt. — Hinc quoque requiritur, quod quo major oſſis pars pereat, eo etiâ major copia calli reproducatur.

§. V.

Quae ad formam laminae ſeparandae pertinent.

Forma partis mortuae ſeparandae adhuc conſiderari meretur. — Si Necroſis haec profunda in laminâ oſſis externâ contingat, plerumque partis ſeparatae facies externa glabra eſt, & oſſis ſeparati antea ſani offert texturam, aliquando tamen, licet rarius ſuperficies videatur eroſa, ſed facies partis ſeparatae interna nunc ſemper eſt aſpera, rugoſa, ſcabra, denticulata, ſulcata.

Si Necroſis profunda ad ſuperficiem oſſis internam pertingat, plerumque facies interna partis ſeparatae immutata apparet, ſed aliquando tamen, licet rarius, eroſa, ut ſuperficies externa nunc ſemper inaequalis & ſcabra eſt, plane ut ſuperficies interna eſt fragmenti oſſei, quod in caſu priori de ſuperficie externâ oſſis ſe-

paratur. — verbo, facies fragmentorum, quae ossi vivo accumbit, feabra esse solet, altera plerumque immutata a statu naturali. — Ratio est, quod in priorem faciem agere possint vasa absorbentia, quae in parte vivâ superstite exstant, eo tempore, quo fragmentum separandum ad Necrosin se disponit, & in eo separatio, semper a parte vivâ inchoanda contingit, & in superficiem, a parte vivente aversam, cum ipsius vasa absorbentia agere non possint, necesse est, haec superficies formam suam primitivam conservet.

Hoc uno in casu forma primitiva perire potest, & superficies altera quoque esse erosa, si fragmentum separandum aliquandiu vitam servet, sed lente & sequente morbi periodo moriatur. — Tunc enim ex efficaciam priorum vasorum absorbentium consumetur, quemadmodum hoc multis in casibus contingit (*k*).

Tandem memorandum, extremam oram, quâ fragmentum cum parte vivâ cohaesit, semper esse vel denticulatam vel etiam spinosam, spinasque nunc rectas, nunc formam hamorum incurvatas existere (*g*). — Hoc est, ora extrema pariter ratione se habet inaequalis, sed magis tamen aspera, ac sese habere oram externam modo diximus, ubi Necrosi superficiali lamina separatur.

Caus-

(*k*) VAN MAANEN l. l.

(*g*) Vid. Tab. I. Fig. IX, X & XI. & Tab. II, Fig. IV.

Causa hujus inaequalitatis in utroque casu eadem est. — Haec quippe posita est in inaequali agendi ratione vasorum lymphaticorum, sibi proxime accumbentium, & quibus sublata lamella, inter partem vivam & mortuam mediâ, haec separatur. — Hoc quidem difficultatem habet nullam, verum tamen hoc loco duae existunt quaestiones.

1^a. An cuspides & dentes fragmentorum separandorum acuminè & acie partes vivas, quibus accumbunt, laedere possint?

2^a. An denticuli illi, potissimum si hamosi & unciformes fuerint, ita separationi obesse possint, ut haec in dato casu, vel non locum habeat, vel si locum habeat, in fragmentum tamen foras prodire nequeat, nisi manus Chirurgica accesserit.

§. VI.

An pars separanda superficie denticulata partes molles, quibus accumbit, laedere possit?

Qui ab unâ parte in fragmentis separatis margines denticulatos conspexerunt, & ab alterâ parte egregiam sensilitatem summamque teneritudinem partium viventium, quibus fragmentum tale olim accubuit, perpenderunt, hinc concluderunt, non posse, quin hoc in casu ex denticulis irritatio, ex irritatione dolor summus, inflammatio cum omnibus ipsius sequelis oriri debeant,

Hac hypothesi ita factâ, multorum se invenisse crediderunt maiorum rationem, quae aliquando sub separatione fragmenti profundioris de osse amputato observantur.

Esse autem talem hypothesin, quae verisimilitudinis specie se commendat, a naturâ plane alienam, omnibus constitisset, si fragmenta illa conspexissent eo tempore, quo in cavo suo adhuc latent. — Ex speciminibus numerosis Necroseos superficialis ac profundae omnium fere ossium longorum Corporis Humani, quae separationem partis mortuae omni morbi periodô offerunt, quaeque Museo suo servat Cl. BRUGMANS, apparet, providam Naturam in ossâ laminâ vivente, cui fragmentum excutiendum accumbit, ad unumquemque hujus denticulum seu acutum angulum callosam capsam formare, quâ mirâ providentiâ efficitur, ut prominentia acumina partes vicinas non itangant, multo minus laedant, aut in his incommoda parent.

Libenter sane hujus structurae darem icones, verum illas, ne nimium figurarum, huic Dissertationi adnectendarum, numerum augeam, suppressere cogor. —

§. VII.

An denticulata partium separandarum facies earundem de partibus vivis exitum impediât?

Ex simili causâ ac præcedens, sententiâ hæc altera nata est, quae

quae hujus loci est. Nimirum multum cum adspicerent in fragmentis denticulos unciformes, acumina retrorsum hamosa, & similesque asperitates, continuo statuerunt, haec omnia saepe, si non separationi horum fragmentorum esse adversa, saltem pro eorumdem exitu insignem difficultatem afferre debere.

Non est diffidendum, esse Necroseos speciem, in qua osse longo mortuo ad hujus ambitum novum os ex callo regenerato formatur, ut mortua pars non exeat, nisi Chirurgicâ manu exiniatur. Tales casus habentur apud WEIDMAN, aliosque (1), & occurrunt plures in Museo Cl. BRUGMANS; sed de his nos non loquimur. — Agitur de fragmento mortuo separando de cavitate internâ ossis amputati, & cum ductus bene multis observationibus a Cl. Praeceptore institutis, affirmare austin, acumina illa hamosa fragmentorum in exitu rarissime ita esse nociva, ut haud majorem noxam allatura plerumque sint ea omnia, quae ad fragmenta haec separanda in usum vocari possunt. Ita res se habet.

Dum sensim & pedetentim fragmentum de osse vivo solvitur, denticuli illi hamosi sensim quoque fiunt liberi, & si jam ita sint dispositi, ut exire nequeant de parte vivâ, fragmentum com-

(1) *De Necrosi* pag. 48. SCULTETI *Armat. Chirurg.* DAVID observ. sur la Necrose, & Doct. SCHEIDTII *Specim. Inaug. exhibens Observ. Med. Chir. Har-derov. Ao. 1792.*

prehendente, agit hoc in casu denticulus alter post alterum lente in partem vivam mollem vel duram, qualis fuerit, eodem rēdit, hanc urget, irritat, premit, quod facto ad absorptionem excitatur vivus paries, quā locūs, qui resistēbat primo momento, consumtus deletur. — Fragmento alterius excusso, simili modo in sequentem particulam denticulus agit, & simili modo aufertur obstaculum, donec tandem ipse sibi denticulus viam parat facilem, quam dolore excitato, nullo, permeat, ut foras eliminari possit. Quae ita in uno denticulo evenire dixi, locum habent in omnibus & singulis. —

Atque haec quae ex Speciminum Necrosi affectōrum contemplatione adfero, confirmantur, quod fragmentum, vel maximi voluminis, & summe denticulatum tandem solis Naturae viribus, si systematis universi morbo novo non ante moriatur aeger, semper de ossis amputati cavitate solvatur, ac foras expellatur.

Quaecunque ergo solim fuerint commendata ad extrahenda fragmenta, sive medicamenta fuerint irritantia, vellicantia, sive ferum, rejicienda ferē semper esse credimus. — Non tantum enim inutilia sunt, cum Natura sibi sufficiat, verum etiam cum vel agant in os mortuum, vel in partes vivas; si in os mortuum agant, nihil efficient, si in partes vivas, novas creabunt turbas, quibus Natura sibi relicta praecavet. —

Unus videtur esse casus, sed qui raro obtinet, in quo manus

Chi-

Chirurgica hic opem ferre potest; si nempe totum fragmentum expellendum in cavitate ossis ita liberum haereat, ut nullibi amplius cohaerens manifesto appareat. Quod si contingat, fragmentum diffingat Chirurgus, & partitis vicibus educat: quamdiu autem vel minima particula adhuc cum osse vivo cohaereat, illud sibi relinquat.

§. VII. I. *Tempus separationis partis mortuae ossis.*

Phaenomena separationem partis ossis concomitantia vario temporis spatio decurrunt, semper quod eodem redit, diversum est tempus, quo Natura utitur, ut laminam mortuam de osse vivo separaret.

Lente semper hic procedit Natura & longe lentius, quam si de parte molli pars, gangraenam aut sphacelo correpta, secedat. Aliquando jam quartâ ab amputatione septimanâ separatur lamina, aliquando longe tardius, ut saepe plures requirantur menses, antequam pars mortua expulsa cadat.

In universum quatuor esse videntur causae, quae separationis tempus determinant

1^o. *Aetas aëgri.* Quò junior, ceteris paribus, sit aeger, eo

citius separanda lamina cadit, & sub senio omnium tardissime. — Quo enim origini propior homo fuerit, eo magis vigent omnes functiones, etiam functio systematis absorbentis; quid ergo mirum, cum ex hac ossis mortui de vivo separatio pendeat, juniori aetate illam omnium citissime perfici.

2°. *Vires vitales.* Quo, ceteris paribus, vitales universi corporis vires magis sint actuosae, eo ex necrosi expellenda pars expelletur citius, & contra fractis viribus, peragetur quam tardissime.

Ratio ex praeced. num°. manifesta. Hinc febres, haemorrhagiae, nimia puogenes, & verborum cuncta, quae vitae vires minuunt, separationem impediunt, vel retardant.

3°. *Varia magnitudo partis separandae.* Quo major fuerit portio ossis mortui separanda, eo plus separationi difficultatis nascitur, eo plus enim absorbentibus vasibus est auferendum, ut mortua pars tandem cadat. — Imo ex separationis tarditate, si reliqua ei impedimento non sint, expertus saepe concludere poterit de magnitudine fragmenti ossei, aliquando expellendist.

4°. *Varia ossium soliditas.* Quo ossa sint densiora, firmitiora, magis solida, eo tandem ceteris paribus tardius separantur. — Sic tibia mox infra tuberculum ablata citius exfoliationem pati-

tur,

tur, quam femur ad medium sectum, & hoc quoque citius os humeri ad medium ablatum, cujus separatio facilior contingit, si loco altiori secetur. — Ratio ex antecedentibus manifesta est, solidiora ossa minus solidis absorptioni magis resistere, & ad illa quoque minima vascula minus vigere, quam ad ossa minus firma, ab omnibus agniti sunt. — Nihil autem magis separationem retardat, quam lenta mors partis expellendae. — Separationem Natura non molitur, nisi vita partis separandae penitus extincta sit, uti ex ante dictis patet, quod si ergo initio extremum ossis amputati primum morbo corripiatur diuturno, tandem Necrosi terminando, eo magis separationem procrastinari debere, quo haec vitae extinctio tardior accesserit, sua sponte liquet. — Et certe in lentis separationibus ossium amputatorum, longe saepius lenfionis causa in morte ossis lente obrepente, quam in mortuae partis separatione longa persistere videtur.

§. XIX.

Causae Necrosos laminae separandae.

Plura sunt, quae Necrosi ad os amputatum ansam praebent, quaeque impediunt, quo minus felicitillâ, siquam Sect. praeced. memoravi, ratione sanatio locum habeat.

In universum omnia illa huc faciunt, quae vel subito vel lente extremo osseo abscisso mortem inferunt; omnia igitur, quae varios affectus morbosos ossi inducunt, de quibus ex professo Sectione III^a mox agetur.

Sub ipsâ amputatione huc faciunt dilaceratio periostii cum interni, tum externi; ferra obtusis nimium denticulis instructa; vacillans Chirurgi manus; incongrua partis auferendae ab adjutore sustentandi ratio, & plura generis ejusdem. Post amputationem nimis denudatum os, ut partibus mollibus accumbentibus non tegatur, vel etiam hoc periostio denudatum, unde necessarium per vasa periostii cum osse commercium turbatur, quale quid haud raro locum habet, si ad methodum ALANSONII Chirurgus, ut altius ossis secti extremum mox post amputationem partibus mollibus tegatur, has de osse, ferrâ auferendo, separet, per cultri apicem ad ambitum ossis versus superiora immissum & circumductum; — nimia porro vel ex torculari relicto vel admotis fasciis vasorum, ad extremum os tendentium compressio; admota e directo osseo extremo pressio, qualem nonnulli adhibent eâ mente, ut contractior sit ulceris superficies; deinde nimia haemorrhagia, & postmodum subortae febres; affectus systematis nervosi, aliive morbi, qui totius systematis vires frangunt; vel etiam locales affectus praeternaturales membri amputati; siue oriuntur ex universali corporis labe, in parte amputatâ sese magis manifestante, quam alibi, cum haec reliquis sit debilior, minusque potentiis

nocentibus resistat, sive oriantur ex irritantibus, & nimia irritatio-
ne debilitantibus, extremo osseo applicatis, ut sunt fomenta, ca-
taplasmata minus congrua, & in primis spirituosae, aethereo-oleosae
aliaque, quorum usus olim frequentissimus, quaeque hodie, prohi-
dolor! apud multos sine discrimine in usu sunt. —

Huc quoque ipse aër Atmosphaericus pertinet, in primis frigi-
dior, qui nulli non vulnere inimicus, praecipue ossi, infestum
stimulum continet, ut vel ab hac parte jamjam praeclaram habeat
utilitatem, si ita instituta fuerit amputatio, ut hac ad finem per-
ducta partibus mollibus, quae supersunt, os sectum tegi possit.

§. X.

Signa separationis laminae osseae.

Futuram post amputationem Necrosin praesagiunt causae prae-
sentes vel singulares, vel plures simul, quas hunc statum pro-
ferre §. praeced. diximus. — Earum concursus & energiea mo-
mentum Necroseos futurae verosimile reddunt.

Necrosin autem locum habere, & separationem fragmenti mor-
tui esse expectandam, potissimum ex sequentibus patet.

Si os sectum, periostio denudatum, extra partes molles promi-

neat, praecipue si nec superficies exterior, nec margines ejusdem, natâ jam puogenesi, vitae indicia praebeant. —

Idem concludendum, si ad aliquam ab extremo secto distantiam os tumeat, non autem in ipso extremo margine. —

Si pus in profundo sentiatur, & membro pressio juxta ossis longitudinem foras pellatur, vel etiam, si labia ulceris incurva, & partes molles ossi accumbentes inaequales fuerint, vel sine sensu, vel si valde doleant. — Pus malae notae, necrosin saepe concomitans, status ulceris perversi certum signum, non tamen de necrosi semper testatur, quamvis si obtineat, Necrosis saepe sequatur. —

Color ossis ater mortis sequela, vel etiam nimis albus praesentem Necrosin ostendunt, sed ultimus ab egregie expertis tantum est dijudicandus. —

Inchoatam tandem separationem crena manifesta, fines scabri & quasi erosi monstrant, illamque instantem jamjam vacillans declarat fragmentum.

§. X I.

Prognosis.

Necrosis ossis amputati sanationem vulneris semper retardat, & eo quidem magis, quo majoris amplitudinis fragmentum separandum

dum est. — Si Necrosis limite fuerit definita, ut separationem Natura moliatur, ex eâ, qua tali, rarius imminet periculum; verum quoad Necrosis proferatur ex causis de universo systemate, aegritudine labefactato, vel & de affectu morbofo membri amputati testantibus, tantum esse potest indicium praesentis periculi, eo majoris, quo status ille; necroseos causa, magis minusve periculosus fuerit. — Sic etiam periculum augere potest Necrosis, dum molimina Naturae ad necrosin separandam virium vitalium dispendium adferunt, quod symbolam nonnunquam confert, ut debilis vitae superstitis & languens scintilla extinguatur.

Ad prognosin ergo formandam primo loco respiciendus est status corporis; habitus partium mollium laesarum, quibus computatis adjiciat Medicus rationem ipsius Necroseos, quae quo profundior fuerit, quo diuturnioris separationis, quo magis ex affectu morbofo universi corporis inducta fuerit, eo infelicitus erit omen. — Superficialis Necrosis vix novum periculum amputationem passo adfert.

§. XII.

De officio Medici.

Quamvis in hac Disputatione illud mihi proposuerim, ut exponere

nerem ea, quae ossibus post amputationem contingant, non tamen omnia, quae ad rationem pertinent medendi, tanquam ab hoc loco aliena, silentio praetermittenda judicavi, quum praesertim cum iis, quae supra docuimus, uno quodam quasi societatis vinculo contineantur.

Studendum ante omnia est, ut Necrosis avertatur.

Qui animo voluit, & ex superioribus repetit, quatenam sint, quae Necrosin proferunt, suâ sponte intelligit, quibusnam sit avertenda. Huc contraria pertinent causis, potissimum §. IX. enarratis.

Verum enimvero, si Necrosis averti nequeat, pro formandâ indicatione Curatoriâ duo sollicite sunt distinguenda: status nimirum ossis morbosus, morte ejusdem terminandus, & illius mors.

Quid agendum; quamdiu osseum extremum morbum patiatur, necessario morte terminandum, necessario ad necrosin ducentem, id Sect. sequenti erit exponendum. — Hoc autem loco ponimus jam mortem extremi ossis amputati locum habere, & quid jam faciendum sit, quacrimus?

Cum sanatio sequi non possit, nisi pars mortua a parte vivâ sit separata, indicationem Curatoriam hic unice esse, habitâ ratione ad os, omnes intelligunt, ut pars mortua modo facillimo, & brevissimo temporis spatio separetur. — Verum de hoc multae sunt variaeque sententiae, quas ab omni aevo tuiti fuerunt Auctores

mag-

magnae auctoritatis, ubi agitur de mediis, quibus dictae indicationi satisfiat.

Quae enim artis Chirurgicae Auctores de Necrosi in universum tractandâ scripserunt, ea cuncta ad illam necroseos speciem, de quâ nos agimus, pertinere censenda sunt: — plerasque illas opiniones omnium maxime perspicue recensuit Clar. WEIDMAN in praeclaro, & a nobis saepius laudato opere de Necrosi, recensuerunt alii, ut non opus sit, illas iterum memorari, sed notasse sufficiat, alios praeuentibus HIPPOCRATE (*m*), CELSO (*n*) AVICENNA (*o*), ALBUCASI (*p*) ut BELLOSTIUM (*q*), BELL (*r*), ferrum commendasse, quo pars separanda scalpenda, radenda, inforanda, aut urenda est.

Alii eâdem mente Acidorum Mineralium usum externum suaserunt, ut JOANNES DE VIGO (*s*), VESALIUS (*t*), PETIT (*u*); alii Alcalinorum; alii fortiter Stimulantium, & quasi

Cau-

(*m*) *De morbis* L. II. XXIII. *ibid.* XXIV. *de Articulis* LXXXI.

(*n*) *Libr. de Medic.* VIII. *cap.* 2 & 3.

(*o*) *Traçt.* IV. *Lib.* IV. *Fen.* IV. *cap.* II.

(*p*) *Chirurg. omn. prim. Libr.* III. *Argent.* 1532. *cap.* XXXVI.

(*q*) *Le Chirurgien d'Hopital* *Part.* I. *Châp.* XII. *Conf. Mem. de l'Acad. R. de Chir.* Tom. I. *pag.* 294. & *seq.*

(*r*) *Treatise on the Theorie and management of Ulcers.* *Edinb.* 1779. *pag.* 257.

(*s*) *Præç. Med.* *Pars* II. *Libr.* III.

(*t*) *Chirurgiae magnae Libr.* IV. *cap.* 14.

(*u*) *Maladies des os* Tom. II. *Châp.* 16.

Cautificorum, ut Euphorbii, Calcis vivae &^a, quales sunt VESALIUS (v), HILDANUS (w), SEVERINUS (x); alii Absorbentia, Sicca, Exsiccantia, ut PARAEUS (y); alii Balsamica, Oleosa, Spirituosa, Aetherea, ut HEISTERUS (z), PLATNERUS (a), LEDRAN (b), aliique laudarunt.

Sunt etiam, qui in medicamentis internis separationis partis mortuae quaesiverint praesidia, ut parum absit, quin nonnulli vel virtutem nonnullis medicamentis ad separationem adscripserint (ut ita dixerim) specificam, prouti BLOCK (c) Afam foetidam proposuit, eumque ex recentioribus sequuntur varii.

Tandem alii cum ALEXANDRO MONRO (d), ad quem ex recentioribus multi accedunt, separationem solius Naturae esse opus, contendentes, nullis hic remediis esse locum, sed Necrosin sibi esse relinquendam, & separationem confidenter a Naturâ esse expectandam opinantur.

De-

(v) Chirurg. Magn. ibid.

(w) De Gangraena & Sphacelo cap. 19.

(x) Pyrotechn. Chirurg. Libr. II. Pars I. cap. 4.

(y) Les Oeuvres d'Ambroise Paré Paris 1607. pag. 715.

(z) Institut. Chirurg. Amst. 1750 Tom. I. pag. 371.

(a) Inst. Chir. Rat. §. 1058. & seq.

(b) Traité des Operat. de Chir. à Paris 1743.

(c) Vermischte Chirurgische Schriften, heraus gegeben von S. L. SCHMUCKER, B. I. pag. 135.

(d) Sämtliche Werke, Leipzig 1782. pag. 63.

Denique laudandi sunt magni nominis Chirurghi CALLISEN (e), WEIDMAN (f), RICHTER (g), alii, qui separationem ossis mortui a parte vivâ a Naturae viribus quidem exspectant, sed Naturae vim adjuvandam esse censent pro re natâ remediis externis, internis, verbo singulis a Praedecessoribus commendatis, sed ita, ut nullum sit, quod non aliquando conducât, nullum, quod & aliquando nôceat. — Et certe ex sanâ rationalique theoriâ est, quam multiplex experientia confirmat, Naturam partem mortuam quidem expellere, sed saepe causam multiplicem ipsius molimina impedire, atque adeo his causis adaptatum in unoquoque casu eligendum esse remedium.

Quum autem separatio partis mortuae a functione Systematis viventis pendeat, prohibetur potissimum illa ex causis internis, hoc est, ex statu universi corporis, qui effectum exserit in vasa illa absorbentia, quae tandem partem mortuam a vivâ separant.

Itaque ante omnia, ubi agitur de separatione promovendâ, status universi corporis, non tamen neglectâ observatione accuratâ ipsius ulceris, est respiciendus, aptisque remediis enitendum,

ut

(e) *Principia Systematis Chirurgiae Hafn.* 1738. Pars II. §. DCCCCXXIX. pag. 503.

(f) *De Necrosi* pag. 40.

(g) *Anfangsgründe der Wundarzneykunst, Götting.* 1787. Erster Band. §. 792.

ut, quantum fieri possit, ad statum sanum adducatur universum Systema. —

Si aeger ex deperditis humoribus vel aliâ de causâ debilis sit, conveniunt Roborantia atque Nutrientia. — Si digestionis officina turbetur, Emetica vel Laxantia. — Si Meseraïcae glandulae turgore suo chylopoësi obsint, Resolventia sunt praescribenda. — Si alibi haerens labes sanitatem turbet, pro re natâ agat Medicus. — Jam vero in singulis hisce casibus diversa illa & sibi quasi opposita medicamenta separationem ossis mortui promovere posse, sponte intelligitur.

Sed quid sit, nec Cortex Peruv., nec Asa foetida, nec Aqua Calcis, nec aliud, quodcunque fuerit, medicamentum vi specificâ separationem ossis mortui, seu exfoliationem promovent, sed saepius tamen conducunt, cum ad sanationem faciant talium affectuum morbosorum, qui saepe numero separationem illam partis mortuae impediunt.

SECTIO TERTIA,

DE IIS, QUAE NOVO ENATO IN PARTIBUS, AMPUTATIONE VULNERATIS, AFFECTU MORBOSO, PRAESERTIM AD OS OBSERVANTUR.

§. I.

Affectus morboſi oſſis poſt amputationem, in univerſum ſpectatĩ.

Praeter affectus, qui, Sectione primâ memorati, ab institutâ amputatione necessariô atque unice pendent, ut vel in corpore ceterum sanissimo observentur, alii quandoque obtinent, qui ex amputatione quidem nascuntur, sed ita, ut cum hac variae potentiae nocentes aliae conspirantes novos generent morbos in partibus per encheiresin laeſis, quae inde singulari novâque ratione vexantur.

Ita singulae in plagâ partes suos affectus patiuntur morbosos, in singulis nonnihil diversos, prout unâquaeque privam sibi vindicat fabricam. — Hos omnes recensere cum limites hujus Differ-

rationis haud finant, ad illos unice attendisse sufficiat, quemadmodum ante jam indicavi, qui in parte ossê potissimum conspiciuntur.

Fluunt autem affectus hi morbofi in universum ex duplici fonte:

Vel oriuntur ex labe universi corporis, effectum edente ad partem amputatione ita laesam, ut haec reliquo corpore ab eâdem facilius & fortius afficiatur. — Huc prae reliquis pertinet labe Scorbutica, Scrophulosa, Venerea, Cancrofa, Rheumatica, Rachitica, porro illa, quae ex evacuatione suppressâ, ex vitiis cutaneis, plethorâ & ceteris oritur.

Vel etiam affectus morbofi oriuntur ex omnibus, quae topicum effectum in vulnus vel ulcus edunt, quo a naturali agendi normâ abducuntur organa, sanationem ceterum inducentia. — Huc pertinent cuncta, quibus v. gr. ex medicatione pravâ pars amputationem passâ aliquando vexatur.

Omnibus inter se collatis, numerosae hae affectuum morboforum novorum causae vitia excitare videntur, quae, ni fallor, sequentibus titulis commode comprehendi possunt.

1. Inflammatio ossis nimis parva aut nimia.
2. Suppuratio vitiata.
3. Absorptio nimia.
4. Mala ex ossis fissurâ.
5. Os ultra partes molles protuberans.
6. Calli vitia.
7. Ossis mors.

§. I I.

Inflammatiō ossis nimis parva aut nimia.

Talis est inter partes singulas atque adeo & osseas, quae in amputatione laeduntur, ipsumque stimulum admotum ratio (a), ut non tantum post amputationem necessaria sequatur inflammatio, verum etiam, ut haec viam paret ad talem vulneri inducendum statum, qui causam sanationis proximam in se continet.

Quoties ergo in corpore ceterum sano instituitur amputatio, atque omnia ad sanitatem restituendam decurrunt, inflammatio oritur, non qualiscunque, sed certa quaedam, & gradu ita definita, ut hanc puogenesis excipiat illa laudabilis, sub quâ effectus illi eduntur, quos §. 4. Sect. I. contemplati sumus.

Benigna haec & laudabilis inflammatio, prouti in omni parte laesâ, sic etiam osse diviso a justâ & salutari normâ recedere potest, ut vel omnino non sufficiat, vel planè abundet.

Haud sufficit inflammatio, si ex deficiente ad stimulum admotum reactione in partibus laesis facultas reproductrix ad actum non du-

ca-

(a) Vid. §. 4. Sect. I.

catur. — Sine hac rite actuosâ nulla est sanatio: illam autem rite agere, indicat laudabilis puogenesîs.

Sic autem in plagâ ex amputatione natâ inflammationem non sufficientem indicant praegressa quaevis vim vitalem universi corporis minuentia; in toto corpore languor; pulsus debilis, mollis, celer, saepe etiam frequens; vulnus universum flaccidum, potissimum eo tempore, quo ceterum inflammatum esse solet; margines nec tumentes, neque elastici; doloris absentia; sanguinis serosi stillicidium; color pallidus, & quae similia sunt.

Sic nempe, si languens vis vitalis languentem nimium in universo vulnere inflammationem indicet, nimis etiam languentem reddit ipsius ossis inflammationem. —

Ex hoc statu & in osse, qua tali, mala oriri dubio carere videtur; an vero, inflammatione in vulnere reliquo rite se habente, aliquando vel saepius ossis solius inflammatio langueat, ex observatis nondum constitit: quodsi interim in osse non suffecerit inflammatio, laedi illam in osse & perioestio functionem, e quâ ossis sanationem pendere antea dictum fuit, sponte intelligitur.

Hunc autem statum ossi inducent quaecunque sive externa, sive interna vim vitalem minuere valent, atque ad illum tollendum ac determinandum ad statum laudabilis inflammationis, non alia facient, quam quae eum in finem, quod ad partes molles attinet, Chirurgica disciplina commendat auxilia.

Sin autem hic languor perduret, vis vitalis continuo minuitur,
ea-

eaque omnis lente primum in osse exstinguitur, at malo brevi latius serpente, placidâ tandem morte exspirat aeger.

Status priori oppositus, ut nimia post amputationem evadat inflammatio, in osse frequentius contingere videtur.

Est autem hîc inflammatio nimia, si prae nimîâ partium laesarum ad stimulum admotum reactione facultas reproductrix opprimatur. Hanc nimiam inflammationem in osse indicant mox signa hujus affectus, tum ex universo corpore, cum ex vulneris contemplatione petita. — Vix enim nimîâ inflammatione corripitur universum vulnus, quin etiam hac ipsum ossis extremum corripitur. At propterea memorandum, prae reliquis partibus os sectum nimiam inflammationem experiri.

De hac testantur, si in vulnere reliquo inflammatio non fuit nimia, sed continuus in osse dolor, non semper acutus, aut lancinans, saepe obtusus, profundus, fixus observatur; porro arteriarum pulsatio in osse & periostio vehemens; calor auctus, ejusque sensatio ad interiora aegro molestissima; febris praeterea continua atque acuta; tumet etiam rubetque insigniter periostium, sed hi ultimi affectus rarius oculis patent, etiamsi locum habeant.

Magni videtur momenti probe ad hanc ossis fere solius inflammationem nimiam attendisse, ad quam multi vix attendunt, si pariter nimîâ inflammatione non vexentur partes molles circumjacentes.

Praeter effectus omnis inflammationis generales haec ossis inflammatio febrim excitat, summâ curâ moderandam. — Haec febris, illius inflammationis comes & sequela, continuo, quem observat, tenore distinguenda, praesentis inflammationis gradui respondet, & potissimum omni tempore urinam profunde tinctam offert.

Ita se habet hic ossis inflammati effectus, ut aliquando ex hoc solo constare possit de osse nimis inflammato, si in reliquis partibus vicinis inflammatio nimis vigens non observetur.

Non tamen omnis febris post amputationem, quae in ipsâ inflammatione observatur, cum illâ, de quâ modo diximus, est confundenda. — Sollicite mox distinguenda est febris, quae osseam inflammationem praecedit, concomitatur vel excitat, quae priori magis remittit, cum horrore invadit, atque urinam interdum limpidam gignit. — Distinguendae hic insuper sunt febres complicatae, biliosae, putridae, nervosae, aliaeque, quae vario modo febris ex inflammatione ortae sese jungunt, quae noscuntur ex characteribus, cuivis febris propriis, nec non ex aberratione a statu inflammationis.

Verum, unde deflexa est, redeat oratio.

Ossis amputati nimia illa inflammatio, quam innui, ut inducitur per omnes illas causas, quae illam in universâ plagâ nimiam reddere valent, ita in osse solo excitatur aliquando:

1°. Per irritamenta quaevis externa, per aërem in os immediate
agen-

agentem, calorem frigusque externa, per compressionem nimiam, per Medicamenta admota &.

2°. Per causas internas multifarias, verbi gratiâ, omnes, quae morbos febriles accendunt, nec non morbosos humores alibi in corpore generatos & versus os laesum migrantes.

3°. Per cuncta illa animi pathemata, quibus vis vitalis incitatur.

Orta in osse inflammatio nimia, periculosa aliquando, facile aliquando arte superanda, prout gradus & indoles morbi, aetas & vires aegri, aliaque ad prognosin inflammationum in universum determinandam alia fuerint.

Postulat cura idem ac pro aliis inflammationibus moderamen, ut causa auferatur, atque effectus supprimantur.

Uterius observandum est, nimiam ossis inflammationem in resolutionem transire vix plenam, sed hanc omnium maxime benignam concomitari effusionem lymphae coagulabilis, fere ab initio puriformis. — Transire autem saepe in laminae externae mortem, quae dein separatur, ut sic nimia inflammatio una ex causis fiat Necroseos superficialis vel profundae, cujus historiam Sectione II^a plenius exposui.

At vero exitus hujus affectus est forte omnium frequentissimus, atque saepius ita lethalis, ut amputatorum mortem, saltem

in Nosocomiis frequentius observaverit Cl. BRUGMANS, quam ex ullâ aliâ causâ. — Positus hic exitus est in mutatione inflammationis genuinae in spuriam chronicam.

Invadit haec inflammatio vel postquam ad oculum remiserint inflammationis genuinae symptomata, vel etiam mox ab inflammatione inchoatâ; se extendit ad variam ossis altitudinem, aliquando externam oram comprehendit, aliquando universum os conscendit, tumorem excitat diffusum coloris rubro-rosei, saltem debilioris, quam in inflammatione genuinâ; periostrium praecipue tumet ac crassius redditur; mordax in osse nascitur dolor, per multos dies continuus, sed sine pulsatione, tempore suppurationis persistens, dum in suppurationem tamen veram ac genuinam nunquam abit; lenta observatur sub vespere recrudescens febricula, cephalalgia & delirio in primis notabilis. — Tumor ad os continuo ambitu latefcit; partes molles de periostrio recedunt, ut cavitas circa os nascatur, corroditur quasi ipsum os, ut erosa superficies appareat (a); periostrium ipsum recedit & consumitur, ac nisi viribus fractus aeger antea pereat, lentâ morte universi ossis exstinguitur vita.

Quodsi morbi initio malum avertere non possit Medicus remediis aptis, dietâ, vel & aliquando repetitâ amputatione, evadit.

(a) Vid. Fig. III & IV. Tab. I.

dit haec inflammatio spuria, sibi ipsi novum fomitem continuo parans, & praecipue exitiosa.

§. III.

Suppuratio vitiata.

Ex statu partium qualiumcunque viventium inflammatorio, qui in resolutionem ita proprie dictam non transit, proficiscitur alius, status suppurationis dictus a secretionem singularis illius humoris, quem *pus* dicimus, agnoscendus. — Omnes itaque partes, inflammationis capaces, atque adeo etiam ossa suppurare possunt.

Atque in ossibus, amputatione laesis, atque ad sanationem sese componentibus, eorumque involucro proprio seu periostio revera puris secretionem fieri, antea satis superque fuit probatum.

Quemadmodum autem suppurationis statum in parte molli *ulcus* vocant, ita eundem in parte dura *cariem* dicere solent. — Caries ergo ossis nihil aliud est, nisi ossis ulcus, eamque in universum in parte dura conditionem parit, e qua pus secernitur, ut antea dictum fuit.

Hic autem status suppurationis in osse quoque varium patitur morbosum affectum, e quo vel quantitate seu copia pus peccat, vel ipsa puris indoles depravatur.

Quoad priora vitia. Suppuratio vel nimis parca est, vel abundat.

Pus indole laudabile, haud sufficiente quantitate secretum languentis illius in osse functionis indicium est, a quâ pendet generatio illius substantiae, quae in callum abit, & sine quâ laesum os non sanatur.

Ut de pure deficiente ad universum vulnus hujus siccitas testatur post sedatam inflammationem, ita de illo deficiente ad ipsum os, sicca & iners testatur cum perioestii, tum ipsius ossis nuda superficies.

Deficit pus ad laesum os potissimum ex triplici causâ.

1°. Ex nimia partium laesarum, quae pus fecernere debent, actuositate, energieâ, puogenesin impediante.

Signa de inflammatione nimia testantia (*b*), potissimum profundus ad os dolor, atque calor talem causam ex regimine pravo, irritamento multiplici, similibusque ortam declarant.

2°. Est autem longe frequentius, ut ex debilitate, statu priori conditioni opposito, pus deficiat, dum sufficiens vasis ossis & perioestii non inest actuositas, quâ humores circulantes in pus mutantur.

Generalia debilitatis signa, pallor & laxitas, cum universalis, tum potissimum in vulnere observandae praesentem hanc conditionem

(*b*) Vid. §. praeced.

nem declarant. — Ad hanc autem inducendam disponunt in primis quaecunque vires frangunt, excretio alia qualiscunque nimia, speciatim haemorrhagia, abusus Laxantium, diacta stricta, aut alimentorum penuria, vel alia.

3^{to}. Tandem deficit aliquando pus, dum sufficienti copiâ quidem creatum reorbetur, & lethali plerumque cum eventu humorum circulantium massam ingreditur.

Quae alibi puris de ulcere reorbtionem incitant, de factâ reorbtione testantur, illius effectus sunt, atque in medelam adferri debent, ea quoque hic in censum venire possunt: potissimum autem reorbtionis indicia sunt, si pus subito copiâ minuatur, ulcusque detumescat; si pulsus variabilis observetur, horripilationes invadant; caloris sensus alio tempore corpori sit molestus; si respiratio reddatur difficilis; urina sedimentum purulentum deponat; depositiones metastaticae fiant, pro locis, quibus oriuntur, varia symptomata post se trahentes; si febris lenta accendatur; diarrhaea colliquativa accesserit, & quae alia mala puris reorbtionem sequi, omnes norunt.

Suppuratio porro nimio puris profluvio etiam ad os aliquando peccat. — Si ceterum indole valeat, sic saltem universi corporis robur minuitur, & marasmus inducitur cum omnibus ipsius saepe lethalibus sequelis.

Ad suppurationem illam nimiam potissimum faciunt nimia aegri

ir-

irritabilitas, vel nimium ad os pertinens irritamentum, nimiaque superficiei suppurantis amplitudo, ut si inflammatio ultra externam ossis oram sese ad superiora extendat, ut profundum fiat juxta os ulcus, plus puris proferens, in ratione ejusdem amplitudinis.

Tonica, Roborantia, Dietam nutrientem, similiaque ad nimiam irritabilitatem compefcendam facientia, esse propinanda, nimia irritamenta esse auferenda, vel quasi obtundenda, deinde cum externis, cum internis artis nostrae praesidiis, vel deligatione potissimum appositâ esse curandum, ne ultra limitem suppurans superficies sese extendat, facile omnes intelligunt.

Est autem hic memorandus suppurationis nimiae casus, curatu saepe difficillimus, saepe exitiosus, & aliquando Chirurghi manum postulans, vel etiam ita, ut alteram amputationem reddat necessariam, qui obtinet, si suppuratio nimia fiat de superficie inter periostium atque os.

Quod ad vitia suppurationis posteriora, pus depravatum offendentia, attinet. Si cuncta ad vulnus ex amputatione natum, legitimâ ratione ad sanationem procedant, pus ad os, nec non periostium sive externum, sive internum canalem medullarem investiens formari, quod bonum, laudabile & blandum dicunt, §. II. Sect. I^{ae} probatum fuit.

Est

Est enim multorum antiquorum, aequae ac recentiorum falsa opinio (c), pus de osse & imprimis canali medullari prodiens, acre esse, tenue, ichorosum, decolor, cum tale nunquam evadat, nisi ex affectu morbofo.

Quae cum ita sint, & multiplici experiētiā confirmantur, est tamen non minus certum, pus praesertim ad ossa secretum indole pessumdari, acre fieri, foetere praesertim ex principio hydrogeneo sulphurato & carbonato, evadere decolor, coloris obscuri vel atrii, verbo, multiplicem nec satis adhucdum cognitam, si compositionem Chemicam spectemus, induere indolem ichorosam.

Ut ulcera, quaecunque fuerint, ex puris indole judicantur, eaque mali moris habentur, si pus a statu naturali blandoque quocunque recesserit titulo, ita communi huic ulcerum legi illa, quae ad os post amputationem contingunt, subjiuntur.

Nocet acredine suā in ulcere pus depravatum, ut irritamentum praeternaturale, maxime nocivum, sed hoc licet ita sit, mala tamen depravatam suppurationem concomitantia & sequentia, eaque multiplicia, saepe funesta, videntur proprie derivanda ex labe vel universi corporis, vel partium ipsum pus immediate secernentium.

Pus

(c) Vid. Cl. WEIDMAN *l. l.* p. 16.

Pus perversam suam indolem non debet corruptioni, in ulcere locum habenti (*d*), sed morbosum atque ichorosum secretionē ipsā redditur, dum sequitur statum partium solidarum, hanc secretionem excitantium.

Itaque si pus depravatum effluxerit, est indicio, labem morbosam contraxisse solidas corporis partes, atque ex hac labe potius quam ex ipso pure vitiatō suppurationis depravatae pendere sequelas, illis omnibus confirmatur, quae in hoc affectu morboſo observantur.

Sunt enim haec phaenomena diversa, non pro ratione diversae indolis puris morboſi, sed pro indole labis morboſae, corpus affectantis: ita alia sunt, si fuerit Scorbutica, Scrophulosa, Venerea, Cancroſa aut alia. — Et quae suppurationi perversae melam adferunt, idem confirmant, quaeque tum demum salutarem edunt effectum, si genio uniuscujusque labis morboſae fuerint apposita.

Quot ergo potuerint esse causae, quae praeternaturalem statum organis pus secernentibus inducere possunt, quae solitam & benignam in his agendi rationem turbare valent, ea omnia viciatam suppurationem ad os amputatum inducere poterunt.

Sic

(*d*) Vid. Cl. BRUGMANS *de Puogenesi* p. 115, & Eund. apud Doct. COULON in *Diff. de mutata humorum in regno organico indole a vi vitali vasorum derivanda*, p. 54.

Sic ergo, quod multiplex esse possit in ulcere ossis vitiata suppuratio, ad illius causam tum in prognosi, tum in curâ instituendâ continuo, ut attendat Medicus, requiritur.

Unum memorasse tantum adhuc liceat, vulgo inter effectus suppurationis perversae numerari, quod a pure acri os corrodat.

Si pus a blanditie recedens os alluat, hoc certe faciem praefert, ac si foret corrosum atque exesum; at vero non esse hanc faciem ex acri, Chemice quasi corrorente, sed ex affectu ipsius ossis morbofo, inde patet, quod mortuum os, etiam si per multos menses pure ichoroso circumdetur, plane non corrodat, sed immutatum superstes sit: hanc autem corrosionem ita dictam patiatur, quamdiu vivit, viventisque corporis functiones exserit.

§. I V.

Absorptio nimia.

Quam primum in ulcus abeat ossis laesi & antea inflammatae superficies, semper de illâ superficie aliquid absorbetur; & ad satisfactionem requiritur, ut absorbeatur (e).

Sed

(e) Vid. §. II. Sect. I.

Sed aliquando haec absorptio nimia fit, vigente nimium systematis lymphatici actione, ut morbosus sic ad os amputatum nascatur affectus, perversae suppurationis plerumque comes, mali moris, saepe lethalis.

Nimia haec ad os absorptio sese extendere videtur, vel ad absorptionem calli noviter generati, vel ad absorptionem ipsius ossis antiqui.

Primum obtinet, si aequilibrium, certaue ratio, quae locum habet inter vim calli generatricem (*f*), & vim absorbentem vasorum lymphaticorum, hac ultimâ praevalente turbetur.

Hoc si contingat, ulceris facies satis videtur laudabilis, pus bonum proferens, sed quaecunque de callo generato testantur, deficiunt, hincque impeditur ipsius ulceris sanatio.

Aliquando hunc affectum denotant Symptomata, qualia a resorptione pure pendentia oriuntur, aliquando haec sunt mitiora, semper molesta, ac sanationem in longum protrahentia. —

Pro re natâ, varioque rerum statu Tonica, Roborantia, & potissimum, quae systematis absorbentis efficaciam minuunt, quaeque virtutem incitant generatricem vasorum callum producentium, huic affectui morbofo medelam afferunt, dum omnia, quae Systematis absorbentis efficaciam incitant, hîc quam maxime nociva deprehenduntur.

Sed

(*f*) Vid. §. 11. *Scd.* I.

Sed aliquando longe latius sese extendit haec absorptio nimia, ut vel ultra superficiem laesam fursum per totam ejus longitudinem pergat, morbusque in osse generetur, quem ejus *Emollitionem* seu *Osteo-farcosin* appellare solent.

Quae de indole, causis, effectibus, curâ hujus affectus morbo- si in medium proferre possim, cum a recentioribus potissimum (inter quos eminent PLANK (g), ISENFLAM (h), SELLE (i), JOURDAIN (k), LENTIN (l), NOËL (m) FRANK (n) & BÖTTCHERS (o)) pertractata sunt, silentio praeterire mihi posse videor.

Notasse sufficiat ex memoratis Auctoribus, 1°. cum nullum os sit, quin osteofarcosin pati possit.

2°. Cum oriatur vel ex labe corporis universali, veneni instar universum systema inficiente, ut Scorbuticâ, Venereâ, Scrophulosa, Rachiticâ, Cancrosâ &c., vel nullâ ejusmodi labe universali conspicuâ, ex singulari ossis ipsius affectu morbofo, &

3°. Cum

(g) *Neue sammlung der ausserlesenen und neuesten Abhandlungen für Wundärzte* 20 St. f. 1.

(h) *Practische Anmerkungen über die Knochen* f. 406, 427 & 428.

(i) *Beyträge zur Arzneywissenschaft* 1 B. f. 23.

(k) *Krankheiten des Mundes* 1 Th. f. 229 & 244.

(l) *Beobachtungen* f. 285.

(m) RICHTERS *Chir. Bibl.* 5 B. f. 692.

(n) *Delectus opusculorum* Vol. 5.

(o) *Abhandlung von den Krankheiten der Knochen, Knorpel und Sehnen. Dritter Theil.* 8 Cap.

3°. Cum illius aegritudinis causa occasionalis sit id omne, quod ossis functionem qualemcunque debilitat, esse manifestum, ex statu lésionis, per amputationem inducto, ad os sectum sic induci posse illam emollitionem ex nimia absorptione pendentem: sive ut aliis utar verbis, notasse, inquam, sufficiat, ita constare vel ex contemplatione ipsius osteosarcosis, quod, praedispositione ad hunc morbum in corpore locum habente, haec ad actum aliquando duci debeat per ipsam amputationem, osteosarcosin pertinere ad affectus morbosos, quos os amputatum patitur.

Ut gradus multiplices hic morbus ubique admittit, ita quoque in nostro casu, & in universum curatu erit eo difficilior, eoque periculosior, quo dolor in osse affecto fuerit violentior, quo magis vires deficient, & exstinguantur, quo pertinacior fuerit hectica febris, & quo spissius in urinâ sedimentum.

Cave autem, ne semper pro effectu absorptionis nimiae, quae causam ex amputatione trahit, habeas imminutum ossis secti volumen atque pondus, quod aliquando morbosam illam conditionem sequitur, quâ universum corpus emaciatur. —

Hoc in casu ossis secti pondus non magis deprehenditur imminutum, quam reliquorum ossium corporis, cum in casu priori, ubi amputationis sequelae nimiam inducunt absorptionem, os sectum plus ponderis amisisse reperiatur, quam omne aliud corporis os.

Egre-

Egregium hujus rei exemplum praebuit amputatio brachii, instituta a Cl. hac in Academiâ Professore Medicinae ac Chirurgiae DU PUY, praeceptore aestumatissimo, cui cum pro benevolentia, quâ mecum huncce casum communicare voluerit, tum pro quibusvis aliis in me collatis beneficiis gratum obtestor animum.

Huc redit casus ille.

Postquam JOSEPHUS PILOT, vir annorum 26, carie foedâ ad articulum cubiti per tres annos ex causâ incognitâ laborasset, atque febre, ictero & hydrope universum corpus, in primis tamen affectum brachium praeter modum, & plane insolitâ ratione esset emaciatum, tandem in Nosocomio Academico Leidensi die 13^o. mensis Decembris Aⁱ. 1799 ei facta fuit amputatio.

Ut ex fractis aegri viribus & morbosâ universi corporis conditione vix expectari potuit prosper eventus, ita languente functione in membro amputato ad sanationem necessariâ, dum continuo augebatur morbosâ corporis labes, die 30^o. mensis Martii Aⁱ. 1800 placide exspiravit aeger.

Post mortem in osse secto repertum fuit ulcus, quod virium vitalium totius corporis languori respondebat, quamvis ad marginem extremum inchoata fuerit calli formatio.

Os humeri sectum superstes ad longitud. 6½ poll. post macerationem & exsiccationem pondus tantum habebat 3iv & Ɔij.

Itaque ex morbo sic valde extenuatum fuisse hoc os, inde patet,

ter, quod per varia mihi constiterit experimenta, similem ossis humeri portionem, ejusdem nempe longitudinis, ejusdemque in universum mensurae, ac pari ratione per macerationem partibus mollibus & aquâ solubilibus separatis, sed quod desumptum est e cadavere hominis antea sani, proxime ponderis esse $\bar{3}ij$ $\bar{3}iij$ vel $\bar{3}vj$, atque adeo pondus ossis secti memorati aegri fuisse ad pondus ossis naturalis proxime ut 1 : 5.

Pro magnâ parte hoc ponderis decrementum procul dubio a consumptione pinguedinis pendet per maciem universalem de ossè, non aliter ac de reliquis corporis partibus ablatae, dum pinguedo haec ex ossè naturali per macerationem, saltem omnis, separari non potest. — Sed praeterea praeter pinguedinem multum de ipsâ ossèâ substantiâ propriâ ex morbo fuisse ablatum, inde colligimus, quod ossis naturalis fragmentum, supra memoratum, ad albedinem usum, adeoque omni pinguedine liberatum, materiem residuam dederit ponderis $\bar{3}i$ $\bar{3}ij$, ita quidem, ut adhucdum post exustionem ultra dimidium ossis secti ac morbo affecti pondus superaverit.

Quid sit, insignem hanc valdeque memorabilem ossis extenuationem ab effectu quodam amputationis non pendere, ex amputatione non fuisse natam, sed ex universi corporis morboso affectu ortum fuisse, inde patere arbitror, quod radius & ulna membri ablati haud dissimili ratione fuerint extenuata, eandemque quoad pondus habuerint rationem cum radiis & ulnis ejusdem lon-

longitudinis ac voluminis, sed desumptis ex cadaveribus, quorum ossa naturalem habitum prae se ferunt.

§. V.

Mala ex ossis fissurâ.

Erunt procul dubio, qui amputationes tantum observarint, vel quae fiunt in praxi civili, vel in Nosocomiis, ubi omnium, quae ad hanc encheiresin pertinent, cura haberi potest, qui vel vix evenire posse post amputationem ad os sectum fissuram vel fracturam incompletam longitudinalem, sibi persuadeant.

Sic reverâ rarius contingit, at post praelia, cum nondum silentibus tormentis bellicis, nondum finitâ clade, sub dio saepius, neque adstante adjutore apto, nec praesentibus, quae tum Chirurgo tum aegro commodam reddere valent amputationem, dum praeterea ex ejus instituendae frequentia aciem perdiderunt vel optima instrumenta, dum, verbo, cuncta amputationi sunt contraria, & tamen amputatio est instituenda, certe aliquando sub ossis sectionem os relictum fissuram contrahit.

Hunc affectum qui Chirurgi incuriae tribuit, eum procul dubio, res circumstantes animo volvens, excusatum habebit.

Exemplum fissurae sic tibiae amputatae inductae exhibet Fig. V. Tab. I^{ae}.

N

Quo-

Quomodo igitur oriri possit, non opus, ut ulterius explicem.

Si extremum amputatum partibus mollibus tegatur, ejusmodi fissura agnita est difficillima. — Et quod ad effectus ejusdem atinet, memorandum, inter hodiernos constare fissuram seu fracturam longitudinalem qualemcunque in se spectatam, non tanti esse momenti, ac credebatur olim, ut vix indole suâ graviora mala vel etiam symptomata alia edere debeat, quam fractura qualiscunque simplex possit.

Sic etiam ex fissurâ, qua tali, cujus exemplum Fig. V. Tab. I. refert, licet aeger per tres fere menses amputationi supervixerit, nihil mali fuit ortum, dum inflammatio chronica, qualem §. præcedenti memoravi, comitante suppuratione vitiatâ, quibus ansam dederat morbosus universi corporis status, proxima mortis causa fuerit. — Cum his itaque affectibus morbosis, os sectum ad superficiem æqualiter quasi corrodentibus, nihil commune habuisse videtur fissura.

Non interim diffitendum, fissuram, cum in eâ partes vicinae potissimum, ut utrumque periostium, nec non nervi & vasa os permeantia distendantur, irritentur, detrahantur, earundem partium inflammationem, variae naturae ulcera, indurationes, aliaque creare posse.

Hisce omnibus pro horum symptomatum diversitate, statuque membri in universum spectato, diversâ ratione medela est adferenda.

Si

Si tempestive fissura detegatur, & symptomata in longum excurrentia se ostendant, partiumque degeneratio inducatur, atque vires frangantur, fissura tandem non admodum alte excurrrens deprehendatur, indicatio formanda recursum ad iteratam amputationem suadere videtur.

§. V I.

Os ultra partes molles protuberans.

Quod olim satis frequenter accidere solebat, hodie, cum amputationis instituendae methodus ad longe majorem perfectionem evecta sit, rarius contingit, (contingere tamen aliquando potest,) ut secta ossa ultra partes molles promineant.

Hujus loci non est in medium proferre, quae olim potissimum disputata sunt de causis, e quibus hoc malum oriri potest (*p*); sed notasse sufficiat, tum partium mollium incidendarum rationem, harumque contractionem sibi relictam, tum instrumenta adhibita, deinde etiam deligationem incongruam (*q*) illi malo ansam praebere

(*p*) Inter alios Vid. LOUIS in *Mem. de l'Acad. R. de Chir.* Tom. 2. p. 265 & seq. Tom. 4. p. 43. 58.

(*q*) Vid. *Mem. de l'Acad. R. de Chir.* Tom. 4. p. 45. & CL. MONROUM in *Ast. Societat. Edinens.*

bere posse: at principem tamen in eo causam esse, quod partibus mollioribus factis, hae sufficienti ratione a Chirurgo adjutore sursum non trahantur, priusquam ferrâ os dividatur.

Hoc in casu dum post amputationem ex vi irritabili musculi suâ sponte sursum aguntur, & reliqua organa mollia musculos sequuntur, dum ipsum os, quoad longitudinem, immutatum persistit, non potest, quin recens ulcus, superficie planâ conspicuum, os prominere faciat.

Quod si autem juxta praecepta, in compendio §. I. Sect. I^{ae}. tradita, instituta fuerit amputatio, vix unquam de ossẽ eminente periculum imminet.

Hoc itaque malum fere semper dexteritate suâ avertere potest Chirurgus, & plerumque avertit. — Interim vel & dexterioribus hoc contigisse, dum tempore praelii, necessitate urgente, instituendae sunt multae amputationes, novissimo bello observatum fuit.

Idem praeterea plerumque contingit, si membrum gangraenâ correptum sponte cadat, ut amputationi quasi spontaneae locus sit.

Ex multis casibus huc facientibus, quos in variis Nosocomiis militaribus potissimum observavit Cl. BRUGMANS, duos ejusmodi ante aliquot septimanas in Nosocomio militari Leidensi, cui Vir. Cl. praest, videre licuit, dum ab effectu febris ita dictae putridae,

dae, quae in urbe Enchusâ (belg. Enkhuizen) grassata fuerat, duorum aegrorum pedes gangraenâ correpti, atque sphacelo separati sunt, postquam in Nosocomium militare, Lugduni Batav. constitutum, delati fuerunt.

Hoc, inquam, rerum statum, dum membri extremitas secedit, partes molles ad locum altiore percurrentes, quam ipsa ossa, separantur, unde haec non aliter prominent, ac prominere solent post amputationem artificialem, si ad justam altitudinem os non dividatur.

Sed ex quâcunque causâ post membri ablationem os extra partes molles promineat, effectus satis sibi similes esse solent.

Pars nempe prominens, si ad extremum usque marginem periosio tegatur, si minus, utpote nutritio humore destituatur, & aëre Atmosphaerico insuper tangatur, moritur.

Hinc reducitur casus ossis ultra plagam prominentis ad ea, quae Sectione II. a nobis memorata sunt, ubi lamina extrema, Necrosi affecta, separanda est.

Partes nimirum molles inter se confluentes ad os conî speciem formant, ultra quem ossis pars mortua prominet (r).

Notandum autem est, carunculam de partibus mollibus generatam

(r) Vid. *Mem. de l'Acad. R. de Chir.* Tom. 2. p. 278.

tam ultimam, ossi applicatam, e quâ dein cicatrix fit, sese extendere per aliquam altitudinem juxta os mortuum, ut illius carunculae limes haberi nequeat pro limite partis ossis mortuae, qui illâ carunculâ aliquando per spatium paucarum linearum, aliquando per spatium unius pollicis & ultra tegitur, unde si minore amplitudine extremum os ultra plagam promineat, hoc, quamvis mortuum sit, tamen aliquando carunculâ comprehendi possit eo modo ac §. I. Sect. II^{ae}. dictum fuit.

Si per vires ac valetudinem aegri liceat, pars, quae prominet mortua, semper crenâ formatâ, limite distincto ab ossi viventi separatur, ac post separationem sanatio locum habet.

De his autem cum Sectione II. dictum sit, plura hoc loco adjicere supervacaneum fit.

Quamvis autem ita per solas Naturae vires sanatio locum habeat, est tamen haec semper valde diuturna, multis molestiis stipata, atque haud raro ansam praebet variis morbis secundariis, saepe maxime periculosis, imo lethalibus.

Nisi itaque fractae aegri vires, lenta febris, Cacochymia vel Cachexia aliaeve conditiones fuerint contrariae, ex lege artis, ut certior, tutior, faciliior atque promptior fiat sanatio, indicatur partis osseae ultra partes molles prominentis amputatio ferrâ instituenda.

Amputatio autem ita videtur facienda, ut ablato ossi prominente, relicta superficies partibus mollibus regi possit.

Si

Si demum ad alteram hanc amputationem adsit opportunitas, ut caruncula, cicatricis initium, nata partem ossis prominentis, vel etiam universum os prominens comprehendat, atque crenam jam formata ad os deprehendatur, vel formata statui possit, caruncula partesque reliquae molles usque ad crenae locum sunt incidendae, & os supra crenam, hoc est in ipsâ parte viventi est auferendum.

Nisi hoc fiat, pars ossis mortua relicta diuturnâ Naturae actione separanda est (s), & denuo alterâ vice facta amputatio parum affert emolumenti, cum e contrario amputatione in parte vivâ factâ facilius redditur sanatio, quae sane magna aegri compensatio est de dolore proxime tolerato. Ita enim paucioribus (saltem non pluribus) hebdomadibus perficitur sanatio, quam ceteroquin mensibus Natura indiget ad mortuum ossis fragmentum separandum & expellendum.

Ex multis, quos ad probandum hoc consilium adferre possim, casibus, paucos adduxisse sufficiat.

Refert ACREL (t) amputatione ossis femoris factâ in ancillâ annorum 23, carie ossis femoris laborante, post aliquot dies sese retraxisse musculos, quod deligatione & emplastris impediri non

po-

(s) Vid. Sect. II. *Mem. de l'Acad. R. de Chir.* Tom. 2. p. 276.

(t) ACREL *Heelk. Waarn. Edit.* Cl. SANDIFORT *Cap. 5. part. 3. p. 424.*

potuit, ita ut extremum ossis per tres transversos digitos extra carnem emineret: ad obtinendam ejus separationem diu, sed frustra, applicabatur aqua Mercurialis: post 7 hebdomades exigua quamvis formari inciperet crena, die tamen abhinc 28°, cum separatio tardissime procederet, os eminens ferrâ fuit ablatum. — Sine exfoliatione porro formata fuit cicatrix, & membrum sanatum.

Ejusmodi quid memorat VEYRET (u).

Post institutam amputationem ossis femoris ob cariam articuli ossis femoris & tibiae cum promineret os, hoc denuo ferrâ fuit ablatum, & sine ullâ exfoliatione sensibili post 16 hebdomades aeger sanatus fuit, teste modo laudato ACREL (v).

Et plura sane hujus generis ab aliis jam adducta fuerunt.

§. VII.

Calli Vitia.

Quamvis ad os amputatione sectum generetur callus copiâ valde diversâ, nunc exiguâ, nunc insigni, prout gradu diverso ante excitata fuerit inflammatio, nunquam tamen locum habet sanatio, nisi

(u) Mem. de l'Acad. R. de Chir. T. 5. p. 239.

(v) Vid. l. l. p. 431.

nisi qualiscunque nova haec substantia organica producat^{ur} (*w*).

Cum autem hujus calli, sic necessario generandi productio pendeat a vi regeneratrice periostrii & ossis (*x*), pariter patet, calli vitia proprie pendere a vitiata horum organorum virtute.

Licet ergo multiplicem formam haec vitia habere possint, illa tamen commode referri videntur:

1°. Ad Callum non sufficientem.

2°. Ad Callum nimium.

3°. Ad Callum morbosum.

§. VIII.

Callus non sufficiens.

Qui in statu maxime naturali callus accurate eâ copiâ effunditur, quae requiritur, ut, quantum fieri possit, turbata ossis laesi functio restituatur (*y*), hic variâ de causâ vel haud sufficienti copiâ paratur, vel aliquando non prodit.

Huc faciunt omnes illae causae, quae calli effusionem post ossum fracturas impediunt, de quibus RICHTER, BÖTTCHER, CALLISEN atque alii satis abundeque egerunt.

Huc

(*w*) Vid. §. 4. Sect. I.

(*x*) Vid. §. 11. Sect. I.

(*y*) Vid. §. 11. Sect. I.

Huc facit universi systematis languor, vis vitalis imminutio, atque etiam conditio corporis opposita, nimia nempe ejusdem actuositas, potissimum ad partem ossis laesam; porro huc pertinent quaecunque absorptionem nimiam ad ossis ulcus excitare posse supra membravi (2).

Quaecunque ergo irritamenta sive externa, ulcerato ossi applicata, sive interna, ut vitiosa multiplex Cachexia, & Cacoehymia, vel facultatem fecernendi in perioestio aut osse minuunt, vel absorptionem justo nimis incitant, defectum calli necessarii post se trahent.

Non alia interim est labes, quae hîc frequentius calli deficientis mala producit, quam Scorbutica, quae, quemadmodum facit, ut vel ante formatus callus diffluat, & ossa olim fracta & callo ferruminata iterum solvantur, sic quominus noviter formetur, penitus impedit.

Ex hoc interim calli vitio in longam moram ossis amputati ulcus trahitur, nec sanatur unquam, nisi causa, qualiscumque fuerit, antea tollatur.

Perdurans autem vitium, vires minuens, etiam humorum utilium perpetuo stillicidio hecticam febrim accendens, marasium in-

(2) Vid. §. 4 hujus Sect.

inducens, tandem saepe efficit, ut post longam moram exhaustus aeger moriatur.

Quum itaque hoc calli vitium observat Medicus, in causam inquirere, hanc tollere, neque a topicis universalibus, multo minus ab ita dictis Specificis opem exspectare debet.

§. I X.

Callus nimius.

Priori vitio opponitur Callus nimius vel luxurians.

Quamvis in statu naturali callus nunquam luxuriare posse jure dicatur, quo sensu summi Anatomici sÖMMERRINGII sententiam, Callum luxuriantem non dari, intelligendam esse puto; in statu tamen morbofo utique luxuriare posse a priori inde fluere videtur, quod calli generatio leges secretionis sequatur, omnisque secretio suâ indole nimia fieri possit, atque a posteriori, quod reverâ plura prostant specimina, quae certo nimium talem callum generatum ostendunt. — Exemplum memorat Doct. VAN HEEKEREN (a), omniumque instar est ingens illa callosa luxuries, quam ad fracturam colli ossis femoris enatam, in Tabulâ ipsi Disserta-

tio-

(a) Vid. *Diff. 1. p. 46.*

ationi inaugurali annexâ, ex Museo Praeceptoris nostri Cl. BRUGMANS delineandam curavit.

Cum ergo calli, ceterum sani, luxuriam spectemus tanquam effectum nimiae secretionis, intelligitur, illa omnia causam continere debere talis luxuriei ad os amputatione laesum, quae stimulo fecernens illius materiei organon, periostium videlicet & os, nimium stimulare valent.

Praeter irritamenta, quae in omni alio ossis ulcere sic nimium callum producere possunt, speciatim hanc luxuriam post amputationem inducunt deligatio incongrua (*b*); situs irritando molestus; remediorum stimulantium applicatio; & porro partis osseae majoris, potissimum per necrosin profundam haud facile foras prodeuntis, solutae tamen, atque ita irritantis separatio; lenta & lenis inflammatio ipsius ossis in ipsâ ulceratione; collectio puris, quod foras prodire nequit, & quae plura sunt generis ejusdem.

Testantur autem de callo luxuriante, potissimum tumor extremi ossei primum submollis, sensim indurefcens, qui lente augetur, non dolet, si callus luxurians non fuerit morbosus, dum aliquando hic

tu-

(*b*) Iluc in universum magis facere deligationem nimis partes constringentem, quam laxiorem, inde etiam patere censeo, quod in animalibus, quorum ossa fracta callo feruntur, hic callus semper minimâ copiâ adfit, neque unquam luxuriet.

Exempla ex Cane, Felle, Simiâ, Rosmaro, Equo, Bove, Lepore, Vulture, Gallinâ, Anseri, Boâ, Ranâ, Cyprino, aliisque plura in Museo Cl. BRUGMANS possant.

tumor vel in totum vel pro parte, saltem initio, reliquis partibus mollibus, quin etiam inchoatâ cicatrice tegitur, quo in casu, saltem initio, nihil morboſi prae ſe ferunt partes molles inſeſtientes, dum aliquando idem ſaltem pro parte propullulat, gelatiñoſo proprio velamine cinctus.

Refert itaque hoc a naturali normâ recedens vitium benignam diu excreſcentiam vel tumorem; at vero ſi inſignis amplitudinis evadat, non facile coërceri poteſt, nec faſciis comprimentibus, quae malum augment, ſed cauſſarum ablatione, dum ad plagam faſinos humores derivat, eosque corpori detractos quaſi conſumit, vires vitales peſſumdat, reliquas corporis functiones evertit, febrim acuit, maraſmum producit, quae omnia mors excipit.

Etiam ſi luxuries ingens fuerit, & potiſſimum ſi integumentis a partibus mollibus productis non tegatur, ut aërium ſtimulum perpetuo experiatur, mali moris evadit, univerſam plagam in ulcus malignum convertit, cujus ſcenam ſummis aegri cruciatibus ſtipatam brevi ludit.

Ad callum luxuriantem interim non reducimus callum omnem ultra marginem externum nonnihil abundantem, vel ſpinulas formantem ad ductum muſculorum, de quo §. XI. Sect. I^{ac}. dictum fuit.

Hoc enim calli augmentum (c) maxime utile exiſtit, & ſalu-

(c) Vid. Tab. I. Fig. VII, VIII, XII, XIII, XIV, XV, XVI.

lutari sanationi etiam non obest, cum faciat, ut facilius voluntariis motibus obediat os ab amputatione superstes, ac latiore basin efficiens artificialis membri applicationem juvet.

Hic prominens margo etiam in extremo cruris amputati Simiae, quod in Museo servat Cl. BRUGMANS, conspicitur, a quo uti ab animalibus in universum post sanationem omnis morbosa abest luxuries.

Hujus antem luxuriei exemplum offerunt Fig. I & II. Tab. nostrae II^{ae}.

Femur fuit amputatum militis ceterum sani: post amputationem ex lege artis rite institutam cum omnia rite etiam sese haberent, ut speranda videretur sanatio cum exfoliatione laminae, ferrâ tactae *a a*; brevi post ad partem inferiorem & lateralem, potissimum tumor elevabatur mollis, sensim durior evadens, quamquam benignus; hic continuo auctus, ut in insignem molem excresceret, tandem ex integumentis foras prorumpens parte inferiori & anteriori, quae litt. *d, e, f*, designata est, in malignum ulcus mali moris, ichorem proferens degenerabat, donec post sex menses ab instituta amputatione ichore resorpto miserrime aeger periret.

Partibus mollioribus per macerationem ablatis, praeter marginem *b, c* orae externae latefcentem callosum tumor ex callo, triplici tumore *d, e, f*, distinctus deprehendebatur, qui singuli cum

osse

osse cohaerentes sibi invicem accumbunt, sed invicem non cohaerent; uti etiam in Tabulâ videre est.

Hujus calli indoles sana est, non tamen valde solida, ut nunquam esse solet, si eo tempore macerationi committatur, quo Natura ejus formationem non plane absolvit.

Quaenam fuerit in specie hujus luxuriei causa, quale irritamentum ingentem hanc calli secretionem excitaverit, dictu est difficile, potissimum cum Cl. BRUGMANS, ipse aegrum observare non potuerit. —

Ad illam autem producendam forte symbolam contulit lamina ossea necrosi affecta *a, a*, alte immissa, & cum osse vivo adhuc in profundo cohaerens.

Ejusmodi saltem fragmenta, necrosi affecta, in universum calli secretionem augere, inde patere videtur, quod ceteris paribus semper eo major calli copia effundatur, quo majoris voluminis fuerit expellendum fragmentum, necrosin passum: ita luxurians maxime callus est, qui insuper est morbosus in Fig. III^a & V^a Tab. II^{ae}, cui ossi inerat fragmentum Fig. IV^a delineatum. — Sic idem obtinet in Fig. VII^a & VIII^a Tab. I^{ae}, licet minori amplitudine hic sit callus conspicuus; majori tamen, quam forte obtinisset, si lamina inhaerens minor fuisset.

§. X.

Callus morbosus.

Quamvis omnis callus statui morbofo ossis debeatur, atque adeo effectus morbi sit, commode tamen distinguere videmur inter Callum naturalem & morbosum.

Naturalis atque adeo non morbosus is est, qui proxime ossis deperditi proprietates habet, ac functiones exercet. —

Hic durus est, rigidus, habitus fibrosi, & insensibilis ad stimulos, ad quos ossa sunt insensibilia; sensibilis autem ad irritamenta, quibus etiam ossa moventur.

E contrario callus morbosus est, qui per noviter enatum morbum indole a praecedenti recedit, novi ergo morbi praeter illum, qui suâ essentiâ callum in locum ossis deperditi format, productum, novis proprietatibus, genio status morbofi, ex quo nascitur, analogis praeditum; qui itaque primum quoad proprietates externas a callo priori recedit, at vero potissimum structurâ intimâ, saepe difficulter externis indiciis observandâ, interim hoc effectum semper agnoscendus, quod vel a stimulis non moveatur, quibus ossa & callus naturalis afficiuntur, sive a stimulis afficiatur, qui in os sanum effectum non edunt. — Sic verbi gratiâ, Callus naturalis aequè parum atque os a mutationibus, quae in Atmosphaerâ contin-

tingunt, afficitur, sed ab his si afficiatur, ut molesta inde nascatur perceptio, Callus est morbosus, quemadmodum saepe contingit, dum homines talem callum circumferentes, barometrum naturale possidere dicuntur.

Hunc callum jam vocamus *morbosum*: rursus si callus naturalis irritetur, & hinc inflammetur, laudabilis sequitur puogenes; quodsi vero nunc callus suppurans tenuem, foetidum, acrem humorem seu ichorem fundat, iterum est morbosus.

Tandem callus aequè ac os vix est sensibilis ad stimulos mechanicos, ut vel sine magno dolore excitato vellicari ac rodi possit; quoties autem idem ille callus maxime sensibilis evadat, summe doleat, rursus est morbosus aequè ac Calvariae os in casu, a Cl. MURRAY in Nosocomio Lugdunensi Gallorum observato, cui ingens fuit sensilitas, morbosum est dicendum (*d*); vel ut os ex carie, hoc est ulcere maligno, dolens acute pariter morbosum dicitur.

Certo ergo sensu omnis Callus luxurians morbosus est, sed hunc tamen me separasse articulo praesenti a Callo, hic, stricto sensu, morbofo dicto, nemo inficias ibit, qui consideraverit, callum ita abundantem praeter illam luxuriam aliquando a callo natural-

tu-

(*d*) Vid. de sensilitate morbofo ossium Upsal. 1780. p. 17.

turali non recedere, quamvis ceterum nimia haec calli formatio saepe statum Calli morbosum concomitetur.

Quamvis verò nimia secretio humoris qualiscunque corporis nostri, ut salivae, urinae, aliusve a statu morbofo quidem pendeat, non tamen propterea ipsi illi humores in se morbofi, recedentes ab indole, quam in statu sano habere debent, dicendi sunt, sed tum demum morbofi evadunt, quoties ipsi indole recedant ab illâ, quam in statu sano habere solent: ita nunc nos quoque non tantum inter Callum naturalem & morbosum, verum etiam inter Callum luxuriantem & morbosum distinguimus.

His de notione Calli morbofi generatim praemissis, in universum talem ad ossa amputata natum spectabimus.

Omnes & singulas enim horum Calli vitiorum species enumerare, nimis longum sit, ut, etiamsi multa adhucdum lateant, si tantum congerere velim, quae ex speciminibus, quae ante oculos habeo, manifesto patent, vel inde apta pro integro libello haberetur materies. — Omnis enim, quae universum corpus inficit, labes, singularem ita ad callum edere videtur effectum, ut unaquaeque singularem calli morbofi speciem excitet.

Est itaque nobis in universalioribus subsistendum.

Quod si ex superioribus repetamus, ad omne os, amputationem passum, generari callum, atque hunc callum per secretionis speciem

for-

formari, sequitur, omnia ea in se continere Calli morborum causas, quae vel irritamento suo locali organa callum praeparantia a nativâ agendi ratione avocant; eamque pessumdant, nec non quae idem faciunt ex perverso agendi modo, hoc est, ex labe corporis universali, ut est Scorbutica, Rachitica, Venerea, Scrophulosa, Cancrofa vel similis.

Ex omni tali labe nasci poterit callus morbosus, sed qui pro praesenti labe qualicunque alius erit.

Alium itaque Callum morbosum generabit diathesis Scorbutica, alium diathesis Scrophulosa, quemadmodum alio modo Scorbutus, alio modo Scrophula ossa ipsa afficit.

In Scorbuto, verbi gratiâ, deleta ossium glutine, primum afficitur, extenuatur & quasi solvitur materies ossea, quae in ossibus longis fibras parallelas nectit, dum in Scrophulâ os tumet, gluten praesens indole mutatur, & ossea materies inter fibras longitudinales haerens exuberat & quasi propullulat, unde spongiosa larva, sed initio regularis habitus ossis faciei apponitur.

Ad haec omnia minime necessarium videtur, ut pluribus demonstrarem, posse & debere saepius in amputatorum callo oriri affectum morbosum, imo hunc semper esse morbosum, si labe universali corpus aegri vexetur.

Non est ergo mirandum, quod hoc calli vitium dicamus omnium frequentissimum, si quidem stricto sensu nunquam abesse possit, nisi

callus ad os hominis, perfecte ceterum sani, generetur, quod est rarissimum.

At vero hic quoque feliciter homini evenit, quod, ut alibi, Natura ipsi insignem *Sanitatis*, ut ita dicam, *latitudinem* concesserit, vi cujus primus a sanitate stricta deviationis gradus in summum discrimen vel exitium non ducit.

Quum itaque Callus non multiplici tantum specie, sed infinitis etiam gradibus morbosus esse possit, illum statum vix curare solemus, nisi ubi intensitate jam provectus fuerit.

Pro omni interim hac varietate varia esse debere phaenomena, quae post amputationem morbosum callum minantur, ejus formationem indicant, formatum declarant, effectumque edunt in partes molles accumbentes, aut etiam in universum corpus, omnes facile perspiciunt.

In universum autem hic ante omnia respiciat Medicus, & anxie inquirat hominis amputationem passi curam in se suscipiens, utrum in corpore labes jam antea exstiterit, vel praesente morbo generetur, quae organi callum secernentis actionem mutare & pessumdare valet; tum enim ipsi est metuendum, ne generandus Callus evadat morbosus.

Tali autem labe praesente vel etiam ejus dispositione, omnem curam adhibeat, ut, quantum in arte sit, tantum hic effectum avertat, qui

qui saepe solus omnem causam in se continet, cur amputatio lethalem habeat exitum. Tanti certe haec est causa, ut principem teneat locum inter eas, quae Medicum movere debent, ut saepe amputationem differat, quam ceterum rerum facies postulasset.

Ex causa vel labe interna etiam longe frequentius, quam ex irritamento externo, callus nascitur morbosus.

Ad causas interim has externas quoque pertinent ossium fragmenta, necrosi profunda affecta, separanda, vel jam separata, sed ossis amputati cavo adhucdum comprehensa. — Haec irritando nocentia occasionem tum demum callo morboso formando praebere videntur, si ad illum aliunde jam praedispositio existat, ceterum enim calli quidem formati augebunt copiam, luxuriantis quidem, sed naturalis. — Fig. III. & V. Tab. II^{ae}. hujus rei exemplum offerunt, dum fragmentum mortuum Fig. IV. morboso ossi adhuc inhaeret, & ab altera parte Fig. VII & VIII. Tab. I^{ae}. simile fragmentum offerunt in osse humeri amputato, ad quod Callus copia tantum quidem auctus, sed naturalis, conspicitur.

Haec cum itaque attentum reddere valeant Medicum de callo morboso futuro, sequens plagae habitus talem callum jam formatum in universum indicat.

Morbosus hic affectus vel communis est universae plagae vel soli ossi, ut saltem os primum afficiat, dein tempore sequenti in partes molles agat.

In priore casu Ulceris non salutaris, sed maligni phaenomena in totâ superficie observantur, ut illud in Scorbuticum, Venereum, Cancrosum, Scrophulosum vel aliud simile degeneret.

Sub tali rerum facie nunquam callus nisi morbosus formabitur, statui universi ulceris conveniens, & aegro vivente ad os tumens extremum, aliquando acriter dolens, & pessumdatum pus ichoroso fundens observatur.

Corpus interea universum illis agitatur symptomatibus, quae ejusmodi ulcerosâ conditione ex quâcunque causâ & quocunque in loco locum habente, a recentioribus Chirurgis fuscè & accurate descripta, cuique cognita ponimus.

Si autem alter obtineat casus, ut partium mollium ulcus satis benignum se habeat, solumque os callum generet morbosum, solum os labis latentis effectus experiatur, tum, saltem in initio, longe difficilior est callum morbosum agnoscere; — Interim sequentia usu veniunt.

Partium mollium sanatio lentius procedit, & quâ parte os haeret, etiamsi vel sectis partibus mollibus, vel carunculae seu cicatricis principio tectum sit, crusta observatur vel fundus quasi lardaceus, marginesque exteriores communiter callosi sunt & haud raro reflexi.

Ossis extremum continuo tumet, atque rubor haud raro in cutis facie sanâ observatur ad insignem altitudinem: si suppuratio in par-

tibus mollibus laudabilis sit, clauditur saepe ulcus, sed cicatrix tenuem, glabram, coloratam refert pelliculam, ad centrum haud raro subfungoso acumine propullulans, quae saepius recrudescit, & haud raro fragmentis ossis non cohaerentibus acuminatis exitum praebet: quo facto, tumor ossis augetur; cicatrix ut primâ vice renascitur, dein saepius rursus diffuens: — Interim morbose afficitur universum corpus, pessumdantur functiones naturales, excitatur febris, nunc lenta & hectica, nunc magis incitata, quae rursus post aliquod temporis spatium minuitur, & si augeatur, potissimum membrum amputationem passum affici videtur, quod nunc intense rubet, striis rubris longitudinalibus vel etiam purpureis notatur, quae cuncta, febre sedatâ, aliquando remittunt, post redeuntia.

Tandem nisi morbo, universum corporis systema afficiente, antea e medio tollatur aeger, subito & quasi inopinato aperitur cicatrix, recrudescit ulcus, effluit sanies, & aeger symptomata ulceris maligni passus, sub miserrimis cruciatibus ad vitae terminum prope- rat.

Post mortem morbosus in osse observatur callus, diversus quidem pro diversâ labe, quae ejus origini ansam praebuit.

Inter signa memorata potissimum Calli morborum diagnosin indicant praeter ea, quae ex universi corporis constitutione petenda esse dixi, habitus cicatricis modo descriptus, tumor ossis insignis, aequabilis, lente sed continuo auctus, & tandem symptomata nervosa.

Haec

Haec ultima hic omnem merentur animi attentionem: — Comprehenduntur vel *Doloris* vel *Spasmi* titulo, & hic ut ubique a nervorum vellicatione oriuntur.

Ut inter omnes constat, solos nervos esse sensiles, ac reliqua organa tantum esse sensilia, in quantum nervos possideant, vel cum nerveo systemate commercium alant, ita nemo hodie negaturus est, dolorem oriri, si irritamentum praeternaturale nervum affectet, ut effectus ultra systematis nervei limites sese non extendat: spasmusque excitari, si scilicet ejusdem nervei organi vellicatio per illud cum organis motui inservientibus, musculis, communicetur.

Doloris itaque & spasmodorum proprie dictorum causae ex communi fonte fluunt.

Quamvis ex iis, quae vel in decursu maxime naturali vulneris ex amputatione nati fiunt, nec non ex affectibus morbosis varii generis cum ulceri tum ossi contingunt, symptomata nervosa oriri posse, quisque perspiciat, haec tamen singulari adeo ratione sub generatione calli morbofi locum habere multiplici experiëntiâ in Nosocomiis, militaribus Batavis constitit, ut ex illis saepe solis pateat, callum morbosum locum habere.

Possunt haec symptomata nervosa a callo morbofo abesse; quin saepe abfuerunt; sed non tantum saepe praesentia sunt, verum & praesentia callum morbosum fere certo declarant.

Primo quoque post amputationem tempore etiam nonnunquam

locum habent ex inflammatione, vel tempore ejusdem; & haec a symptomatibus nervosis ad callum morbosum pertinentibus probe sunt distinguenda:

Illa nimirum vigente inflammatione locum habent, & summâ cum vehementiâ mox incipiunt: haec demum, ubi inflammatio sedata est, lente incipiunt, ut primum titillationis potius quam doloris titulo ab aegris significantur; verum lente augentur, aliquando remittunt, & tandem incredibiles saepe gignunt cruciatus, quos mors ob horrendos morbi pertinacissimi effectus aegris saepe exoptata excipit: aliquando, remissione locum habente, vitam plus minus tolerabilem diu adhuc trahit aeger, qui rarissime, si vel unquam sanandus post longius vel brevius intervallum in novum quasi paroxysmum incidit. — In hoc reliqua modo notata plerumque ad ipsam plagam locum habent phaenomena, & si cicatrice fuerit obducta, haec perit, atque ultimo in ulcus malignum erumpit.

Haec symptomata nervosa ab aliis passim post amputationes, vel alias ossium laesiones observata habita fuerunt pro effectu vellicationis nervi juxta os decurrentis, ut vel sint, qui crediderint sub sanatione ramos nerveos ad os per cicatricem vel cicatricis partem solido ossi apprimi, ut hinc memoratae turbae in systemate nerveo oriri possint.

Ex tali theoriâ, neglectâ cadaverum inspectione, proficiscentes

qui-

quidam longitudinales incisiones ad os usque in cicatrice institutas voluerunt, ut vinculis compressus liberaretur nervus.

Sed cum malum hac incisione nunquam superetur, cum dolores vel spasmi redeant, nihilque efficiatur, nisi quod inutilibus cruciatibus aeger vexetur, jam inde apparet, illam hypothesein omnino non fuisse admittendam. At vero sequentia insuper huic theoriae opponuntur.

1°. Nervi partium ambientium qualiumcunque expansioni ita resistunt, ut a compressione plerumque liberi maneant: — si morbo os, per quod nervus decurrit, volumine augeatur, illud omni ex parte excrescit, sed ita, ut nervo liber & apertus maneat canalis. — Egregium exemplum in Cranio, quod Museo suo servat Ill. Parisiensis Medicus & Botanicus JUSSIEU, prostat (e): plura in aliis Museis occurrunt; qua vero ratione mollissimus nervus ita compressioni resistere possit, quaestio est, in quam nunc non inquiri, sed sufficit, factum ita se habere.

2°. Si vis comprimens tamen vincat, nervus aliquando quidem deletur, sed nunquam inde dolor, multo minus hic tamdiu protractus, & symptomata nervosa adeo diuturna oriuntur. — Jam enim compressio illa lente oritur, & haec, licet quasvis partes organicas destruere possit, nunquam ab aegris percipitur: sic in-

ho-

(e) Vid: *Description Anatomique d'une Tête humaine extraordinaire, suivie d'un essai sur l'origine des Nerfs* par J. FR. N. JADELLOT, Medecin. à Paris 1799.

homine adolescente multi nervorum rami, aetate juniore per ossa penetrantes, sine dolore delentur: sic enatis tumoribus aliâque ratione compressi nervi saepissime consumuntur, ut non tamen propterea doleant.

3°. In cadaveribus quatuor amputatorum sub symptomatibus nervosis exstinctorum a Cl. BRUGMANS examinatis, nervos in telâ cellulosa liberos & laxos, eo modo ac §. IX. Sect. I°. dictum fuit, invenit.

Ex his itaque concludimus, ex nervorum ad os compressione non oriri nervorum vellicationem, e quâ symptomata nervosa hîc oriuntur.

Et si vel ponamus ita locum habere, non tamdiu perdurare possint illa symptomata, ac jam perdurant; illa enim compressio, quae ad producenda illa mala sufficeret, procul dubio brevi nervum deleret, quo facto causâ sublatâ, superesse non posset effectus.

A compressione enim Mechanicâ, ut per constrictionem ex ligaturâ nervis una cum vasis injectâ iis in casibus, in quibus hoc pacto haemorrhagia sistenda est, rarius oriri solent symptomata nervosa; & si aliquando oriuntur, non diu durant, sed deletâ mox ad nervum compressum vitâ, cessant.

Alii haec symptomata nervosa forte derivabunt ex fragmentis osseis necrosi affectis, separatis, atque acuminibus suis nervos vel-

licantibus; sed §. VI Sect. II^a. ex observationibus indicavi, quâ curâ egregiâ hanc a fragmentorum spinis ceterum expectandam vellicationem avertit Natura: & deinde si vel aliquando vellicent nervos, non poterit esse effectus adeo diuturnus, ac sub callo morbofo evenire solet, cum rursus nervi cito destruerentur per absorptionem solidorum pereûntes.

Longe frequentiora post amputationem quoque forent symptomata illa nervosa, cum frequentissime fragmenta ossea, spinis armata, per necrosin secedentia observentur.

Atque tandem sine tali fragmento separando locum non haberent symptomata haec nervosa, quemadmodum tamen observata sunt in milite Hanoverano, qui post toleratos cruciatus violentissimos nervosos post amputationem institutam Leidæ periit; & a Cl. BRUGMANS A^o. 1794. cultro Anatomico fuit submissus.

Hic, unus ex quatuor supra memoratis, de ulcere nequæ antea separatam obtulit laminam, neque etiam postmodum lamina separanda vel minima praefens fuit observata.

Tandem accedit, quod si fragmenta separanda reverâ symptomatum horum nervosorum causâ continerent, superarentur, saltem minuerentur, quàm primum sub morbi decursu tale fragmentum foras prodiret. — Obtinet autem contrarium, quia symptomata persistunt.

Potest quidem eodem tempore post necrosin ossis hujus pars separari ac foras expelli cum omnibus symptomatibus. quae Sect.

II^a. indicavi, dum simul locum habet status ille, a quo symptomata nervosa pendent, sed hæc principe loco a separandâ lamina pendere, ex præcedentibus jure negare mihi videor.

Ad veriorem autem causam symptomatum horum omnium nervosorum ducere videntur sequentes animadversiones.

Etiamsi inter se disputent Auctores de ossium & periostii sensibilitate (f), dum alii his partibus nervos adscribunt, & sensilitatem tribuunt (g), alii nervorum commercium cum propriâ eorumdem substantiâ negantes, illas penitus insensiles statuunt (h); nullum tamen est dubium, quin & os ipsum & utrumque ossis periostium in statu morbofo dolere possint (i).

Per morbos in universum partes insensiles fieri sensiles, evicit HALLERUS. — Chirurgorum annales ubique exempla offerunt,

m

(f) Vid. HALLERI *Elem. Physiol.* T. 4. p. 272 & seq. ibique citatos Auctores. Cl. BLUMENBACHII *Inst. Physiol.* §. 210.

(g) Vid. Cl. BOERHAVII *Inst. Med. Aph.* 524, 527, 534, 545. & Cl. SAVIETENII *Comm. ad Aph. eosd.* DE CORTER *Chir. repurgat.* §. 112, 118, 122, 130. PLÄTNER. *Handl. tot de Heelk. door HOUTTUYN.* §. 1070. PALFXN *Beschryv. der Beenderen* p. 56. Doct. VAN HEEREN *Diff. 1. p. 2.* RICHERAND *Nouv. Elémens de Physiol.* §. CXXXII.

(h) Vid. TISSOT apud Cl. SANDIFORT *Thef. Diff. vol. I. p. 26*, & HUNTER apud Cl. SANDIF. *Bibl. Phys. Med. V. 1. pag. 280.* Cl. SÖMMERRING *de fabricâ Corporis Humani* §. 8 & 20. F. LEBER *Prælect. Anat.* p. 9.

(i) Vid. MURRAY *Diff. laudat.* MORGAGNI *Epist. Anat. Med.* 58. Art. 4. RUISCHII *Thef. Anat.* X. N. 182. & *Advers.* Dec. III. p. 20.

in quibus ex universi corporis vitio acriter doluerunt ossa affecta, ut ex lue Venereâ, Scorbuto, Cancro similibusve, quemadmodum apud RIOLANUM, BONETUM, RICHTERUM, SABATIER, BELL, LUDWIG, atque alios plurimos invenire est. — Eadem confirmantur per quotidianam potissimum in Nosocomiis observationem. — Et ipsas dentium coronas vel per applicatum acidum omnino sentire, vulgari experientiâ constat.

Hinc itaque statuo, ossa in statu morbofo evadere sensilia, atque acriter dolere posse.

Quae de osse valent, ea quoque valere debent, quoad callum, ossi succedaneum.

Hic enim naturalis; ut os, parum sensilis; sed quum in universum ossis sequatur affectus & morbos, ejus etiam ex degeneratione acquirat sensilitatem necesse est.

Fungos etiam osseos & Exostoses similesve tumores callosos dolere frequenter ad attactum perhibent Chirurgi, ubi ex carie malignâ os acriter dolere memorant, & quid hoc aliud, quam totidem specimina de Callo morbofo admodum sensili? & porro dolere callum, in Nosocomiis saepius nobis constitit, callum vellicantibus morbosum.

Sic itaque concludo, callum haud secus atque os ex morbo fieri sensilem; imo callum ipsum talem jam esse, ubi formâ tenerarum

papillarum habitu carunculae granulosa ex ipsâ ossis substantiâ propullulat, demonstravit Cl. MONRO (*k*),

Porro ex comparatione multorum morbosorum ossium desumptorum ex cadaveribus talium aegrorum, qui sive ex amputatione, sive ex laesione aliâ externâ, ut vulneribus sclopetariis, verbi gratiâ, vel etiam causâ qualicunque internâ, symptomatibus nervosis, dolore potissimum acerbissimo, diu protracto & immedicabili laboraverant, nobis constitit, semper effusum fuisse callum, ut plurimum os investientem morbosum, quale exemplum offerunt Fig. III & V. Tab. II^{ae}. Quibus si adjiciatur, symptomata haec nervosa potissimum occurrere, quoties in aegro amputationem passus ejusmodi labis sit suspicio, e quâ saepius ossium callum morbosum effundentium dolores percipiuntur, in hanc quoad fontem symptomatum nervosorum, adducor opinionem, ut illam deriveim ex proprietate peculiari, pendente a structurâ ipsius calli propriâ, vi-cujus sensibilis redditur ad stimulos, qui impares sunt, ut partes naturales moveant. His positis, multorum ratio facile dari potest. — Ut verbi gratiâ, quod symptomata in amputato membro nervosa saepe sint incurabilia, cum nempe a compositione calli organicâ pendeant, quâe medicamentis non tollitur. —

Quod

(*k*.) *On the Bones.*

Quod rarius juvet iterata amputatio, si nempe causa, ut frequentius, in labe corporis universali haereat: et porro, quod Medici, his symptomatibus nervosis medelam allaturi cura potissimum versari debeat in tollendâ tali labe, quam novit aut quam pessumdati calli causam suspicatur.

Inter morbosos autem corporis universi affectus non alius est, qui frequentius morbosum callum, & in hoc callo symptomata excitat nervosa, quam latens morbus Venereus.

Hanc etiam causam substituisse in aegro, cujus amputati brachii os Fig. III & V. Tab. II^{ae}. offerunt, suspicamur, quamvis sub ipsâ morbi curatione mali Venerei actiosi indicia non fuerint observata.

Amputatione factâ, Autumno Aⁱ. 1799. partium mollium sequebatur sanatio, ita tamen, ut symptomata morbosum callum indicantia; supra a nobis exposita locum haberent, donec tandem febris acutâ nervosâ correptus aeger mense Majo Aⁱ. 1800 periret.

Hunc callum abundantem, morbosum procul dubio ex latente forsan labe venereâ derivò, cum aliunde constaret, aegrum saepius morbo venereo fuisse affectum; ejusque etiam in cadavere adessent indicia; & porro quod callus ad hoc os effusus formâ, & compositione plane conveniat cum formâ & compositione, quas ossa ex lue Venereâ deturpata, callo ad superficiem luxuriante, passim habere solent.

§. X I.

Offis mors.

Cum singula, quae vires vitales vel in universo corpore vel in aliquâ parte minuunt, mortem adferre possint, mox patet, omnes & singulos affectus morbosos, quibus ossa post amputationem vexantur, posse etiam terminari in mortem ossis laesi.

Quod si contingat, pars mortua limite definito a parte vivâ distinguitur, vel in partem vivam transit per gradus intermedios insensiles, ut quonam in loco desinat ossis mors seu Necrosis, dictu difficile sit.

Quid priore in casu eveniat, undenam oriatur, quâ ratione sanationem moliatur Natura, quid Medici sit officium, id omne Sectione II^a. satis abundeque expositum videtur, adeoque huc referatur volumus.


Alter casus cum per gradus ac pedetentim vita minuta in mortem transit, haec mors continuo latius serpit, & nisi huic affectui modum & limitem ponere possit Medicus, aut sui ipsius conservatrix Natura, ut ad priorem Necroseos definitae casum reducatur, brevi ita quaquaversum se diffundit, ut eâ ratione omni alio in casu gangraena vel Necrosis continuo latius serpens aegros ad mortem perducere so-

leat, ut adeo de his plura adjicere, cum ex amputatione nihil peculiariter accedat, superfluum judicemus.

Ceterum, quae ad Figurarum, five Tabularum, de quibus supra saepe a nobis mentio facta est, explicationem pertinent, infra separatim adjicimus, ut, quo singula referantur, commode intelligi possit.

Habetis, aequi harum rerum doctique Judices, quæ de hoc omni Argumento, quoad ejus a nobis quidem fieri potuit, dicenda videbantur. — De quo, ut alii in posterum uberiora meliorave in lucem proferant, totius omnino generis humani causâ, vehementer optamus.

T A N T U M.



FIGURARUM EXPLICATIO.

T A B U L A I.

FIG. I & II. Tibia & fibula dextri lateris militis juvenis, mortui 12^{mo}
post amputationem die.

FIG. I. Partem anteriorem,

FIG. II. Partem posteriorem refert.

Fibulae margo absorptione deletus est. (§. III. Sect. I.)

Tibiae autem limbus inchoatae Necroseos superficialis *b c*
separationem sensibilem (§. III. Sect. II.) offert.

Cavitas medullaris nullam subiit mutationem.

FIG. III. Tibiae & fibulae sinistri lateris extremum viri 30 anno-
rum, 16^{to} die post amputationem mortui.

In Fibula vix ulla mutatio observatur.

In Tibiâ ad faciem posteriorem FIG. III. primâ crenae origo *a*, quae potissimum ossei marginis integritate distinguitur. Superficies ossis reliqua inde a crenâ porosa reddita, nonnihil erosa videtur ex chronicâ inflammatione. (§. II. Sect. III.)

FIG. IV. Eandem Tibiam a parte anteriori exhibet, quâ fissuram egit obliquam (§. V. Sect. III.) ibique longe magis erosa est superficies haec, quam posterior FIG. III, dum ab hac parte crena formari non coepit.

FIG. V. Tibiae & fibulae finistri lateris extremum parte anteriori, viri mediae aetatis, 18^{vo} die post amputationem mortui.

Limbus exterior mortuus nullam mutationem passus fuit, nisi quod particula marginis fibulae jam deleta sit: — crena definita locum separationis futurae *a* indicat, sed ipsa separatio aegre tantum fuit inchoata, & longe quidem minus, quam in FIG. I, II, III & IV. ex languente vi vitali aegri.

Ceterum ex Chronicâ inflammatione (§. II. Sect. III.): corrota rursus est reliqua superficies.

FIG. VI. Extremum ossis femoris a facie anteriori viri 26 annorum, 24^{to} die post amputationem mortui.

Crena *b* est definita, ut in praecedentibus, & superficies
a versus superiora ex simili causa atque in Figuris praecedentibus erosa, prima vestigia laminae callosae deinde effundendae monstrat.

FIG. VII & VIII. Os humeri a facie anteriori & posteriori juvenis 18 annorum, 6^{ta} post amputationem septimanâ mortui.

a a Laminam ex Necrosi profundâ (§. III. Sect. II.) separandam, sed nondum vacillantem offerunt: ejus limbus extimus non est mutatus, reliqua superficies erosa.

b b Callosa est protuberans extremitas. (§. XI. Sect. I.)

c d e Callosa est lamina eo tenuior, quo magis ab extremo recedit, (vid. §. III. Sect. II.)

Ad *e* FIG. VII. foramen est, per quod expellendum fragmentum mortuum conspicitur.

FIG. IX. Margo de osse femoris post amputationem separatus. —

Facies inferior plane non est mutata, ut a ferrae denticulis impressas ostendat strias, dum superior inaequalis, denticulata, erosa, de superficie ossis internâ recessit. (§. I. Sect. II.)

FIG. X. Margo circularis de osse femoris integer, ut in Fig. praeced. — Facies inferior pariter non mutata, superior & lateralis denticulata de superficie ossis externâ recessit. (vid. §. I. Sect. II.)

FIG. XI. 'Cylindrus offensus' de parte internâ ossis humeri post amputationem separatus. (Vid. §. I & III. Sect. II.)

FIG. XII & XIII. Extremum ossis humeri, aegri post 4 menses ab institutâ amputatione ex morbo febrili mortui.

FIG. XII. Faciem anteriorem reclinatam,

FIG. XIII. Faciem posteriorem pariter repraesentat.

Margo offensus Necrosi affectus separatus est: extremum ora callosâ cingitur, & tumet: os reliquum sanum est, & canalis medullaris ad dimidium clausus.

FIG. XIV. Extremum ossis femoris dextri recens sanati (§. III. Sect. I.) calloso margine cingitur, & canalis medullaris jam clausus est.

FIG. XV & XVI. Tibia & fibula dextri lateris post institutam amputationem per multos annos sanatae.

Cal-

Callosa ora valde firma, ad *a* & *b* protuberans tibiam
& fibulam junxit, & canalis medullaris totus clausus est.

(§. III. Sect. I.)

T A B U L A I

FIG. I & II. Os femoris parte dimidiâ ferrâ ablatum,

FIG. I. Illud a parte posteriori,

FIG. II. A parte anteriori repraesentat.

Lamina inferior *a a* Necrosi affecta pro parte separata est. Margo sequens *b c* callo protuberat fursum, ut in Fig. VII & VIII. Tab. I. (§. III. Sect. II.) Callus ingens luxurians sex mensium spatio, quo amputationi supervixit aeger, formatus, tribus massis *d, e, f*, a se invicem liberis conspicitur. *d* & *e* ex lineâ asperâ ossis femoris oriri videntur, *f* autem propago est massae *e*. Callus univ-
ersus initio mollis, sensim durior factus, totus primum benignus, deinde eâ facie in ulcus foedum abiit, quae laevior utrinque fissurae adstat, quâ massae callosae *e* & *d* in FIG. I. a se mutuq separantur. (§. IX. Sect. III.)

FIG.

FIG. III & V. Os humeri parte dimidiâ fere amputatione ablatum ab utraq[ue] facie repraesentant, cui copiosus callus morbosus *b, c, d & e*, forte ex latente labe Venereâ ortus, affusus est, cum inhaerente adhucdum, sed jam vacillante fragmento osseo *a a*. (§. X. Sect. III.)

FIG. IV. Fragmentum osseum Necrosi profundâ affectum & separatum de osse, FIG. III & V. delineato.



T H E S E S

I.

Vis absorbendi canalium viventium ex attractione Mechanicâ tuborum capillarium haud explicanda, a structurâ eorum organicâ ipsâque vitâ pendet.

I I.

Vim sentiendi immerito plantis adscribunt nonnulli. — Sentire animalibus est proprium.

I I I.

Vis reproductrix in corpore organico videtur generalis, sed in variis speciebus, variisque ejusdem individui organis diversi intensitatis gradus.

I V.

Viventia nullam veri nominis putredinem patiuntur, quae tantum post mortem corpora organica invadit, quoties principia eorumdem remota, nunc demum ad normam affinitatis Chemicæ sese componunt.

V.

Calculi fellei, ex singulari substantiâ, quam vulgo adipo-ceraeam dicunt, in primis constantes, non inspissatae bili, sed novae in vesiculâ felleâ per morbosam conditionem excitatae secretioni originem debent.

V I.

Causa materialis phaenomenorum Electricorum , atque eorum , quae Galvanismo tribuuntur, unum idemque esse videtur fluidum.

V I I.

Caloricum, causa caloris animalis, sub respiratione sanguinem ingredi videtur, dum deinde in circulatione liberum redditur, ut adeo quaevis corporis particula vasis sanguiferis instructa suas habeat partes in generando calore animali.

V I I I.

Distinctionem inter Variolas confluentes benignas & malignas , a Doct. MACBRIDIO in Introd. Method. in Theor. & Prax: Med. parte alterâ factam, haud inutilem censemus.

I X.

Tussis convulsiva QUINTA dicta, (Belg. KINKHOEST) quam omnium primus descripsit BALLONIUS in suis Epid. & Ephemer: l. 2. constit. aest. ann. 1578 pag. 155 & 156., non in stomacho, sed in organis respirationi inservientibus sedem figere videtur.

X.

Febres intermittentes larvatae, verè tales, pro febribus topicis habendae esse videntur.

X I.

Erysipelas & Phlegmone, seu vera inflammatio, sunt morbi non tantum sede, sed indole diversi.

X I I.

Externis vulneribus supervenientes internarum sedium inflammationes ac suppurationes, nec cessationi puogeneseos in vulnere, nec puris migrationi sunt adscribendae, sed minuta suppuratio naturalis esse videtur sequela malorum internorum, tempore vulneris intus productorum.

X I I I.

Indicatâ & topicâ & universali depletionem, haec illam praecedere debet.

X I V.

In omni morborum casu, quo primario per morbi naturam indicatur V. S., contraindicatur Opium, & vice versa.

X V.

In infelicissimo illo parturientium casu, ubi aut matris aut foetus vita tantum servari possit, matris vita potior videtur.

X V I.

Sectio Caesarea, ceteris paribus, Synchondrotomiae ossium pubis praeferenda videtur.

X V I I.

Dubium videtur, num forcipis inventio plus lucri, quam damni arti Obstetriciae attulerit.

X V I I I.

Pus malae notae ad os formatum, non semper hujus Necroseos est indicium.

X I X.

Vitae singulorum hominum terminus fixus, certus & immutabilis est.

X X.

Neque tamen eo minus homines sani ad observandas regulas dieteticas; aegroti ad medicamentorum usum obligati sunt.

X X I.

Jure dixit CELSUS „ cum par sit scientia, utiliore tamen Medicum amicum esse, quam extraneum.

X X I I.

Recte CICERO de Orat. Lib. I. Philosophiam omnium laudatarum artium esse altricem & procreatricem.

X X I I I.

Una tantum est species humana, omnisque in formâ & colore hominum varietas ex climate ac vitae genere, quibus diversae nationes fruuntur, pendet.

X X I V.

Tellus nostra, quae ingentes olim subiit revolutiones, unice ex ejusdem structurâ cognoscendas, aliquando fluida fuit.





